

IZAO INDRAY MANDEHA

IZAO MONJA, TOMPO

 [Mihira ny, *Minoa Fotsiny* ny fiangonana—Mpand.] Ndaoo isika hanondrika ny lohantsika ankehitriny. Miaraka amin'ny lohantsika miondrika sy ny fontsika miondrika eo anatrehan'Andriamanitra, ny famaranana an'ity fivoriana lehibe ity, jobily izay nananantsika teto, ary nanodidina ny Tenin'ny Tompo, dia manontany aho, izao hariva izao, raha tsy mirehitra ho an'ny zavatra avy amin'Andriamanitra fotsiny ny fontsika. Raha izany no izy, dia ndao isika hanangana ny tānantsika fotsiny Aminy, ka hilaza, hilaza fotsiny hoe, "Ity ny fangatahako, Tompo. Ianao no mahafantatra."

² Rainay any An-danitra, mijere ankehitriny eo amin'ireo tānanay. Ireo tānana mitsangana, dia midika fa manolotra ny rehetranay ho Anao izahay. Fantatralo izay ilainay, Ray, ary mivavaka izahay mba Hanomezanao an'ireo ilainay. Indraindray ireo tianay dia betsaka noho ireo ilainay. Fa, Ray, manome an'ireo ilainay Ianao, satria afaka mangataka an'izany amin'ny finoana izahay. Ianao no nampanantena fa hanao an'izany Ianao. Amin'ny Anaran'i Jesosy Kristy, no angatahako an'izany. Amena. Amena.

Mipetraha ankehitriny

³ Ho an'i Rahalahy Moore, sy Ranabavy Moore, Rahalahy Brown sy ny azy, Rahalahy Lyle, Rahalahy Boutliere, ary ny rehetra amin'ireo olona tsara eto amin'ny fiangonana, ireo mpitantan-draharaaha, diakona, na mety ho inona izy ireo, dia mankasitraka marina tokoa aho ny amin'ity fanararaotra ity sy ny fotoana tsara izay efa nananako teto. Ireo mpanorina lehibe izay tonga teto taona maro lasa izay, niaraka tamin'ireo singan-taratasy teo amin'ny fanambanin'ny kiraron'izy ireo, ary nanao ezaka manokana tsy misy fitiavan-tena mba hanorina an'ity toeram-panompoana eto ity, sy ireo olona ireo. Heveriko fa Shreveport dia manana trosa be amin'ny lehilahy tahaka an'i Jack Moore sy ireo olona tahaka an'ity eto ity. Ezaka tsy reraka sy tsy misy fitiavan-tena, no niezahan'izy ireo nanorina toerana iray izay ahafahan'ny Hazavan'Andriamanitra sy ny Ain'Andriamanitra, mandeha any amin'ny olona izay lehilahy sy vehivavy mpandeha an-tongotra, izay hijanona ka hankasitraka an'ireo fivoriana. Enga anie izany haharitra, hatramin'ny fihavian'ny Tompo Jesosy, mandra-Pahavitany an'izany.

⁴ Ary nankasitraka betsaka ny fiangonana aho, ny famalianareo tsara an'ilay—an'ilay asam-panompoana, an'ireo

Hafatra. Ary ireo zavatra lehibe izay nataon'Andriamanitra ho antsika, tsy voafetra fotsiny izany. Ary tsy ho fantatsika mihitsy ny dikan'izany mandra-piampitantsika an'ilay ilany hafa, satria ny voa dia nambolena ka ho tonga amin'ny fainana ao amin'ireo andro izay eo alohantsika. Ary maro no sitrana, angamba amin'izao fotoana izao dia tsy mahafantatra na inona na inona mikasika an'izany, fa afaka kelikely dia hahita ianareo fa lasa ilay izy. Ary mahita an'izany imbetsaka isika, tsy izay hitanareo miseho fotsiny ihany; tsy fantatrareo mihitsy izay hiseho, izay hitranga, ho vokatr'izany. Ary mahatoky aho fa misy—tsy hisy olona malemy hiala amin'ity favoriana ity, raha tsy manana finoana ampy hahafantarana fa vita ny asa, ary ho sitrana.

⁵ Ho an'ireo izay nanangana ny tànany ho an'i Kristy, ho an'ny batisan'ny Fanahy Masina, sy ireo zavatra maro, ary ireo—ireo asan'ny fahasoavana izay nirianareo hotohizan'Andriamanitra aminareo, mahatoky fotsiny aho fa ho fenoina ny Fanahy Masina ny tsirairay avy aminareo, ny tsirairay avy. Aza adino ny Hafatro, eo amin'ny, *Ny Famantarana*. Tsy maintsy mijanona amin'izany ianareo. Tsarovy, asehoy ilay Famantarana.

⁶ Ankehitriny dia tsy maintsy miala avy hatrany izahay ho any Arizona, sy Yuma, ary Phoenix. Ary avy eo dia hiverina any Atsimo izahay. Tsy fantattro fotsiny ny lâlana andehanana, inona fotsiny ilay izy. Fa ho eto izahay, neveriko, izany dia any ambanin'i Louisiana indray, mandritry ny Febroary, any ho any eto Louisiana, sy Dallas. Ary manohy mankany, any Georgia, any, ary avy eo any Floride. Ary avy eo dia natao ho any Europa izahay avy any, hatramin'ny Jona. Ary avy eo dia hiverina eto izahay, mandritry ny Jolay ary hatramin'ny antsasaky ny Aogositra. Ary avy eo dia miverina, any amin'ny tany ambany, any Amerika Atsimo . . . tsy Amerika Atsimo, Afrika Atsimo. Ary amin'ny andro faharoan'ny Septambra, amin'io 1964 ho avy io, raha sitraky ny Tompo, dia hanomboka izahay any—any Durban, Afrika Atsimo, izay nahitanay olona telo alina nanatona ny Tompo, tamin'ny fotoana anankiray. Rahalahy Julius Stadsklev mipetraka eto, dia tao amin'ilay favoriana tamin'izany fotoana izany. Neveriko fa marina izany.

⁷ Ary ataoko fa efa nampahafantarina Rahalahy Julius, ilay lehilahy izay nanoratra ny boky hoe *Mitsidika An'I Afrika Atsimo Ny Mpaminany Iray*. Izaho dia . . . Ranabavy Stadsklev, tsy isalasalana, dia eto any ho any. Izaho—tsy afaka mametraka azy fotsiny aho . . . hia, eny, ankehitriny dia afaka aho, ary ireo—ireo ankizy. Tsaroako, taona vitsy lasa izay, Minneapolis, ankizy kely bitika izy ireo; ankehitriny dia tsy maintsy miandranda any amin'izy ireo aho, zazalahy sy zazavavy goavana be izy ireo.

⁸ Ranabavy Stadsklev teto, vao tsy ela akory izay, nampihodinkodina ny foko marina tokoa izany, reny kely iray, nahavery ny zazakeliny izy. Ary ny Tompo dia . . . nahita fa

mety ny nakàna azy. Dia niantso ahy izy, ary tiany... Saika hampandeha ahy fiaramanidina nankany Alemania izy ireo. Ary tena tsara fanahy ilay dokotera mba hiandry, namela an'ilay zazakely teo. Maty tampoka ilay zaza kely, zazavavy kely mamy, dongadonga. Ary nahavery ny reniny Ranabavy Stadsklev, ka torotoro tsara mihitsy izy. Nahazo ny tsara indrindra avy aminy tokoa io zazakely io. Ary niantso tamin'ny telefona izy, elanelan-tany lavitra avy any Alemania, ka tiany ny handehanako fiaramanidina. Dia hoy aho hoe, "Ranabavy Stadsklev..."

⁹ Naneho ny finoany izy, hoe nino izy fa ny Tompo Jesosy no naniraka ahy ho an'ny asa amin'ny andro farany, ary fijoroana vavolombelona mahatoky iray mihitsy izay tsy misy olona iray afaka manome, ary hentitra tamin'izany tamin'ny fony rehetra izy. Efa nahita ny Tompo Andriamanitra nanao an'ireo karazanjavatra tahaka an'izany izy, nanangana ny maty taorian'ny nahafatesan'izy ireo. Saingy, hitanareo, ianareo marina tokoa, raha amiko... Ahoana, ho voninahitra iray toy ny inona izany ho an'Andriamanitra, tany Alemania sy ny zavatra rehetra! Raha azoko nataeo ilay izy, ny tenako, dia ho nataoko. Fa, ny zavatra voalohany, tsy tokony handeha izahay raha tsy fantattray hoe ho an'ny inona no andehananay.

¹⁰ Noho izany dia nivoaka aho ary nivavaka. Ary heveriko fa nijanona teo amin'ny telefona izy tamin'ny ampaham-potoana, nandrity ny alina. Ary niditra aho ny ampitso, tsy nisy na inona na inona. Nilaza indray i Meda, ny vadiko, nanao hoe, "Niantso indroa Rahavavy Stadsklev. Tsy mbola misy teny iray avy amin'ny Tompo ve?"

Hoy aho hoe, "Tsy misy na inona na inona." Dia nilaza aho...

¹¹ Eny, nivoaka aho, nivavaka indray. Tany anaty ala aho tamin'io alina io. Noho izany, mazava ho azy, tsy maintsy nokarakaraina ilay zaza kely. Ary avy eo vantany vao niditra mihitsy aho, ny Tompo Jesosy, niseho ny fahitana iray, nitsangana teo anoloako. Ary reko ny Feony nanao hoe, "Aza manome tsiny an'io. Ny tånan'ny Tompo io." Noho izany dia fantattro tamin'izay fotoana izay fa Andriamanitra, ho an'ny antony iray, no naka ny zazakeliny hankany amin'ny Voninahitra, ary nanohitra ny sitrapon'ny Tompo tokoa raha milaza zavatra mifanohitra amin'izany aho.

¹² Ary noho izany dia nieritreritra aho hoe, "Eny, ho fahadisoam-panantenana goavana iray izany. Fa ny zavatra anankiray izay nataoko, dia nihevitra ny an'ny Tompo aho. Nanao an'izay Noteneniny tamiko aho."

¹³ Teto vao tsy ela akory izay, nahazo taratasy iray avy tamin'ny mpitoriteny tany aho, ary nanao fanambarana avy tamin'ireo mpitoriteny betsaka sasany izy. Hoy izy hoe, "Ny anankiray..."

Ary izy dia, heveriko, mety ho efa Loterana Alemandy iray izy. Tsy azoko antoka. Fa hoy izy hoe, "Misy zavatra anankiray izay azoko ankasitrahana mikasika an-dRahalahy Branham. Rehefa niseho ireo fahataitairana rehetra, dia nijanona nilamina izy mandra-pahazoany fanapahan-kevitra mazava tsara iray avy amin'Andriamanitra, amin'izay fotoana izay dia fantany izay ataony."

¹⁴ Ary izany no fomba tokana ahafahanareo manao zavatra, dia ny mandre avy amin'ny Tompo aloha, rehefa miteny Izy. Raha niteny tamiko Izy, izao hariva izao, mba handeha any ka hanangana avy ao amin'io tokotanim-pasana io, ny Filoha Kennedy, dia ho nanasa an'izao tontolo rehetra izao aho ho tonga, handinika an'izany vita, satria ho nanana ny HOY NY TOMPO HOE aho. Hitanareo? Ankehitriny, fa ahoana no ahafahako hilaza hoe, "HOY NY TOMPO HOE," raha tsy ny Tompo no nilaza an'izany? Hitanareo? Hitanareo?

¹⁵ Matetika, ny olona dia lasa mientanentana tanteraka ka lasa eo ambanin'ny fahatsapana sy ireo zavatra tahaka an'izany, ary izay tsara indrindra amin'izay azon'ny sainy eritreretina. Tsy marina foana izany. Miandrasa mandra-Piteniny aminareo, ka fantatrareo ilay izy, amin'izay fotoana izay vao manana marina tokoa ianareo. Tsy mila maminavina mikasika an'izany ianareo. Izy no tena niteny taminareo, izany no HOY NY TOMPO HOE. Noho izany dia Izy no niteny taminareo, amin'izay fotoana izay dia afaka mandeha milaza an'izay Nolazainy ianareo. Mandrapahatongan'izany, dia afaka mandeha ianareo ka manao ny zavatra rehetra vitanareo, manao izay azonareo atao samirery, saingy tsy afaka hanana antoka ianareo raha tsy Andriamanitra no nilaza an'izany. Amin'izay fotoana izay ianareo vao pozitifa.

¹⁶ Teo amin'ny horonam-peo an'ny *Amin'Ny Firy Izao, Tompoko?* Maro aminareo no manana an'ilay horonam-peo, hitanareo. Afaka niresaka ho an'ireo Fivoriana aho ary na taiza na taiza hafa, ka nanao hoe, "Izany no HOY NY TOMPO HOE. Hihaona amin'ireo Anjely fito aho. Ary ho fantatra izany, manerana an'ireo firenena, hitanareo. Ary misy zavatra vonona ny hitranga, satria Izy no niteny tamiko." Teo izany, hitanareo, telo volana taty aoriana mihitsy. Hitanareo? Ary ireo zavatra hafa rehetra ireo, rehefa ianareo... Rehefa ny Tompo no niteny an'ilay izy, dia tsy maintsy mitranga izany.

¹⁷ Izany no antony ahafantarako fa tanteraka Ny Teniny. Tsy mampaninona izay eritreretin'ny olona mikasika an'Izany, Izany no Tenin'Andriamanitra. [Mikapokapoka ny Baiboliny Rahalahy Branham—Mpand.] *Ity no* marina, izany no HOY NY TOMPO HOE. Hitanareo, izany no, ary fantatsika fa marina izany.

¹⁸ Ho avy Jesosy. Rahoviana? Tsy fantattro. Endrika inona, ahoana no Hahatongavany? Manana hevitra iray aho, saingy izaho—tsy fantattro. Izany dia voasoratra *Eto*, hoy Izy hoe,

"Izaho, raha hakarina Aho," dia hitondra ny olona rehetra ho eo Aminy Izy, ary ho avy indray Izy. Fantatro fa ho avy Izy. Oh, pozitifa izany. Ary tsy mampaninona ahy ny hoe rahoviana izany. Hitanareo? Raha izao hariva izao izany, na raha amin'ny herintaona izany, na raha amin'ny arivo taona manomboka izao izany, ho avy foana Izy! Manana Fiainana Mandrakizay aho. Tsy ho antitra aho, ho eo fotsiny aho rehefa tonga Izy. Izay ihany. Izany dia, hitanareo, tsy mampaninona ahy hoe rahoviana, ahoana, fomba ahoana no Anaovany an'izany, ho eo fotsiny aho!

¹⁹ Ary Izy no nampanantena ahy fa ho eo aho, ary efa Nomeny Fiainana Mandrakizay aho, satria hoy Izy hoe, "Izay afaka mandray Ny Teniko ka mino Izay naniraka Ahy, no manana Fiainana Mandrakizay; ka tsy ho tonga amin'ny fitsarana, fa efa tafafindra avy tamin'ny fahafatesana ho amin'ny Fiainana." Ampy ahy tsara izany. Eo mihitsy, izany no fara-teniko. Izany no fara-teniko. Izy no nampanantena an'izany. Tsy misy fomba hany hahadiso an'izany. Tsy mety diso mihitsy izany, tahaka an'Andriamanitra tsy mety diso. Ary tsy azon'Andriamanitra atao ny ho diso. Izany no zavatra anankiray izay tsy azon'Andriamanitra atao, ny ho diso. Tsy mety diso Izy. Tsy faly ve ianareeo ny amin'izany? [Hoy ny fiangonana hoe, "Amena."—Mpand.] Oh, oadray!

²⁰ Rehefa manomboka mahita an'ireo taona miangona aho, ary—ary manomboka mahita fotoana roa na telo isan'andro, dia manomboka manao ahy ho lasa reraka kely izany, nefy tsy nanelingelina ahy izany taloha. Fa avy eo dia mieritreritra aho hoe, “Eny, inona no fahasamihafana ataoñ’izany?”

²¹ Te-hanontany zavatra aminareo aho, mpianakavy fotsiny isika, noho izany dia te-hanontany aho, ahoana moa raha valopolo taona ianareo izao hariva izao, na dimy ambin'ny folo taona ianareo izao hariva izao? Raha valopolo taona ianareo, ary velona amin'izao ora izao rahampitso hariva, dia ho velona mihoatra ny ankizy tanora maro, maro enina ambin'ny folo taona ianareo. Efa mba nieritreritra an'izany ve ianareo? Azo antoka fa ho velona ianareo. Ho an'ny tanjona iray no mahaeto anareo, ny hanompo an'Andriamanitra. Noho izany dia inona no fahasamihafana, ilay taona aminareo? Manompoa fotsiny an'Andriamanitra.

²² Raha nanatona ahy Andriamanitra ka hanao hoe, "Tiako handeha hankany amin'ny tany ianao," ary—ary tany ambony tany aho ka hoy Izy hoe, "mandehana mankany amin'ny tany, hanome anao fahalalana mandritry ny zato taona Aho, saingy Tiako ianao hitsinjara an'ireo—ireo taonanao. Taona inona no tianao ho raisina, ilay dimy amby roapolo voalohany ve, ilay dimy amby roapolo faharoa, ilay dimy amby roapolo fahatelo, sa ilay dimy amby roapolo farany?"

²³ Inona no ho lazaiko? Eny, raha hametraka ny fotoako eto aho mba ho, oh, mpilalao baolina kitra iray na atleta iray, na zavatra iray, dia tsaratsara kokoa amiko ny maka an'ilay dimy amby roapolo voalohany. Raha ho eto aho mba ho mpandrafitra iray, na olona iray tahaka an'izany, eny, dia tsaratsara kokoa amiko ny maka an'ilay dimy amby roapolo faharoa. Fa raha tiako ny handray mba hanompoana ny Tompo, dia haka an'ilay dimy amby roapolo farany aho, manomboka amin'ny dimy amby fitopolo ka hatramin'ny zato, satria, efa nanana an'ilay fanangonana an'io fahalalana betsaka io aho, mahafantatra betsaka mikasika an'izany aho. Hitanareo? Raha mbola afaka mijoro amin'ny tongotro roa foana aho ka mandeha, dia inona no fahasamihafana ataon'ny hoe firy taona aho? Eto aho mba hanompo ny Tompo, ary izay ilay izy. Amena. Ampy ahy tsara izany. Izy no nampantanena an'izany.

²⁴ Ankehitriny dia tiako ny hisaotra ny isan'isany sy ny tsirairay avy aminareo, nohon'ny hatsaram-panahinareo. Ary matoky aho fa, raha sitrak ny Tompo, fa-fa hihaona indray isika any ho any eo amin'ity tany ity; raha tsy eto intsony izany, dia hihaona any amin'ilay ilany hafa isika. Ary ny Tompo hitahy. Ary tiako ny hivavaka eo amin'ireto mosara ireto. Vantany vao miditra ao amin'ny Hafatra isika, dia tsy fantatsika marina tokoa izay hitranga. Niezaka isika ny nametraka hariva vitsy tao amin'ny... telo, teo amin'ny hariva telo teo; ireo dimy na enina, ireo hariva dimy, mino aho, nanome antsika antso iray teo anivon'ny olona ny Tompo, niantso ny olona hivoaka, izay nanasiran'an'ny Tompo azy ireo. Ary avy eo dia nanana hariva anankiray isika, omaly hariva, nitondra ny olona rehetra izay nila hivavahana isika, tao amin'ilay laharam-bavaka mihitsy ary nivavaka ho azy ireo. Ary nanantena aho fa tsy diso aho na taiza na taiza tamin'ny fiezahana nanao ny zavatra rehetra izay fantatro hoe ahoana no anaovana azy, mba hahatonga antsika ao amin'ny toerana ara-panahy tsaratsara kokoa, sy toerana arabatana, izao hariva izao, noho izay nisy antsika rehefa tonga tato isika teo amin'ny hariva efatra na dimy lasa izay. Raha diso aho, dia hamela ahy anie Andriamanitra, ary hamela ahy ianareo.

²⁵ Ankehitriny ho an'ny Hafatra famaranana, ary hiezaka aho ny hanao azy haingana mihitsy arak'izay azo atao, satria aho—mitory teny ela aho. Ary efa niteny tamin'ny fiangonako aho, sy ny sisa, fa, manomboka amin'ny voalohan'ny taona, dia hiezaka aho ny hanao. Efa nanandrana an'izany aho nandritr'ireo dimy amby telopolo taona farany, hatramin'ny naха-tao amin'ny asam-panompoana ahy, ny hanena avy amin'ireo adiny roa, sy ny sisa, hihena hatrany amin'ny telopolo minitra. Saingy, tena miadana aho, tsy afaka milaza an'izay tiako lazaina aho, ao anatin'ny telopolo minitra, izany ilay zavatra tokana. Tatximo aho, fantatrareo, ary noho izany aho—tsy maintsy izany aho. Tsy afaka mieritreritra an'ilay izy haingana loatra aho. Tsy maintsy

miandry fotsiny aho ary mahita. Tsy maintsy miandry Azy aho, ho an'ireo teniko. Noho izany, saingy izaho—izaho... raha mbola afaka miandry Azy foana aho, ary haharitra miaraka amiko fotsiny ianareo.

²⁶ Ankehitriny dia ndao isika hamaky Soratra iray, mba ahafantarrantsika fa tsy ho levona ity. Ary rehefa avy nanana ny fiarahana kelin'ny fisakaizantsika sy firesahana isika, alohan'ny hanatonantsika an'ity ampahan'ny fotoana tena masina ity, mitondra ny Mofon'Aina, dia ndao isika hivavaka mihitsy indray.

²⁷ Tompo Jesosy, mankasitraka Anao izahay ankehitriny. Mitodika mankany Aminao izahay rehetra, mba hisaotra Anao ny amin'ireto andro sy hariva lehibe an'ny favoriana ireto, fiombonana manodidina ny Teny, ary miaraka amin'ny olona. Mankasitraka izahay, Tompo. Nasandratra ny fanahinay, ary tena mankasitraka izahay fa afaka mipetraka ao amin'ireo toeran-Danitra miaraka Aminao. Ary ankehitriny, Ray, eo amin'ity hariva lehibe sy farany an'ny—ny fetim-pitiavana ity, dia enga anie Ianao hitsangana eo afovoanay, indray izao hariva izao, ka hiantsoantso hoe, "Izay mangetaheta, mankanesa aty Amiko." Ekeo izany, Tompo. Fantatray fa hanao Ianao, satria Ataonao izany. Izany no Fombanao manao zavatra, ary tsy manova an'izany mihitsy Ianao. Ary mivavaka aho, Andriamanitra, mba Hamakianao an'ilay Mofon'Aina, ho anay. Enga anie izahay ho afaka handray an'ity Teny ity ao am-ponay, izay hanokatra loharanom-pitahiana iray ho anay rehetra. Tahio ny famakiana ny Teny, ary ampio aho raha miezaka mamaky ny Mofon'Aina, ho an'ny fiangonana, ho an'izay rehetra ilaina. Amin'ny Anaran'i Jesosy Kristy. Amena.

²⁸ Ndao isika hamadika ao amin'ny—ny Bokin'ny Mpitsara, ny Mpitsaran'i Isiraelly. Ary tiako ny hamadika ao amin'ny toko faha-16-n'ny Mpitsara, hamaky ampahany iray an'ny—an'ny Teny. Mpitsara, ny toko faha-16, ary tiako ny hamaky ny andininhy faha-27 sy ny faha-28.

Ankehitriny dia feno lehilahy sy vehivavy ny trano; ary ireo andriana rehetra an'ny Filistina—Filistina dia teo; ary teo ambonin'ny tafo dia nisy lehilahy sy vehivavy teo amin'ny telo arivo teo, njery—njery raha mbola nanao laolao i Samsona.

Ary niantso ny TOMPO i Samsona, ka nanao hoe, O Tompo ANDRIAMANITRA, tsarovy aho, mangataka aminao aho, ka ampaherezo aho, mangataka aminao aho, ity indray mandeha ity fotsiny, O Tompo, mba ahafahako mamaly faty an'ireo Filistina nohon'ny masoko roa.

²⁹ Fahitana iray mampalahelo toy ny inona! Ary ity lohahevitra kely ity, dia haka latateny iray avy aminy aho, antsoina hoe:

Izao Indray Mandeha Izao Monja, Tompo. Izao indray mandeha izao monja!

³⁰ Tsy maintsy ho andro iray mahamay izany. Nanana fankalazana lehibe iray izy ireo. Ary manao ahy hahatsapa harary izany, isaky ny mieritreritra an'izany aho, noho ilay natioran'io fankalazana ara-pivavahana io. Fantatrareo, mety tsara ny fankalazana, saingy ilay izy dia araka ny natioran'ilay fankalazana. Ary ity no fankalazana anankiray izay halako hitodihana tokoa. Tao amin'ny tanin'ny Filistina izany. Ary nankalaza izy ireo, manao ahy hahatsapa harary fotsiny ny milaza an'ilay izy hoe, "fandresena an'ireo mpanompon'Andriamanitra." Nitondra latsa teo amin'ny Anaran'ny Tompo ny mpanompon'Andriamanitra iray tsy nankatò, ka nankao amin'ny faharesena, ary ireo Filistina ireo dia nankalaza an'ilay—ilay fotoam-pandresena lehibe, hoe ny "andriamanitra trondron'izy ireo no nahazo fandresena teo amin'ny mpanompon'i Jehovah."

³¹ Raha tsy izany no lahateny iray hamaranana fivoriana iray! Saingy nahatsapa ho voatarika aho, rehefa njery lahateny dimy na eninjato izay nananako tany, nilatsaka teo amin'ity lahateny eto ity ny masoko, ka nieritreritra aho hoe, "Mino aho fa hiresaka mikasika an'ity vetivety fotsiny aho izao hariva izao." Ary angamba izany no tian'ny Fanahy Masina hahafantarantsika zavatra ato. Ny... mikasika...

³² Andro mahamay, mino aho, ary efa dorana ao anatin'ny afo manodidina an'io andriamanitra trondro lehibe io ireo fanatitra, ary nisy Filistina telo arivo teo njery an'ilay mpivady raha niditra tamin'ilay kianja lehibe izy ireo. Tsy maintsy ho tahaka ny holatra iray izany, ny fomba nanamboaran'izy ireo azy. Mitovy, hataoko hoe, zavatra tahaka ny—ny holatra iray na holatra misy poizina iray, mihodina tahaka an'izao, miaraka amin'ny platira lehibe roa, na—na andry, mihazona an'ilay kianja, raha mipetraka izy toy ny hoe mihoatra an'ity endrika ity, angamba, mba ahafahan'ny olona tao amin'ity kianja lehibe ity hijery an'ilay famalifaliana izay niseho teo ambany teo amin'ilay rihana lehibe.

³³ Ary andrianan'ny ady mamiratra tsara no nanatrika an'io fivoriana io, ary tao amin'ny fivoriana ireo ramatoany niravaka tsara. Ary nijanona tampoka izy rehetra, mba hitongilana nankany aloha, teo am-pisehoana mihitsy ilay zava-mitranga lehibe. Isika matetika dia manana, an'ilay antsointsika hoe, ireo savaranonando, izy ireo... ary avy eo ny fampahafantarana, ny fampidirana an'ilay—ilay zava-mitranga lehibe. Ary nanana famalifaliana betsaka izy ireo, tahaka ny nataon'izy ireo matetika, manao fanatitra sy mamono, sy ny sisa. Fa ankehitriny ilay—eo am-pisehoana ilay zava-mitranga lehibe, ary io andiana fankalazana tsara rehetra io, avy amin'ny rehetra... avy amin'ireo faritra ao amin'ny tanin'i Filistina. Nitsangana izy

ireo, satria izy ireo dia—dia nanana tombontsoa iray. Nipetraka izy ireo, tao amin’io goavana io, izany no hiantsoantsika azy, mitovy amin’ny holatra iray. Ary angamba ny mahantra, sy ny sisa, dia teto ambany teo amin’ny—teo amin’ny tany. Fa nipetraka ambony izy ireo izay nahafahan’izy ireo mahazo fahitana tsara, sy hahita an’ilay famalifaliana rehetra. Izany dia—toeran’ny manan-kaja izany. Telo arivo tamin’izy ireo! Maimbo zava-pisotro ny rivotra, fetim-pisotroana ny andro manontolo, misotro sy mirarakivy, ary manao hadalana, mety ho toy izany ny fifamalian’ny mamolava iray. Ary nitsangana izy rehetra, satria ilay zava-mitranga lehibe—eo am-pisehoana ilay zava-mitranga, ka nitongilana izy ireo. Te-hahazo fijerenana tsara izy ireo. Tsy vitan’izy ireo ny ho diso an’io, satria io no zava-mitranga lehibe.

³⁴ Inona no hitan’izy ireo? Zazalahy kely iray mitarika lehilahy jamba iray mivoaka mankeo afovoan’ny efitra, tao amin’ny fankalazana an’ilay Andriamanitra trondro, Dagona. Ilay tovalahy no nitarika an’io ampaha-nofo manafintohina, jamba io, jamba, nankeo amin’ilay andry, ary nampitsangana azy teo amin’ny ilan’ilay andry, mba hanao laolao.

³⁵ Noho izany dia io i Samsona, lehilahy iray izay—izay mpanompon’Andriamanitra niavaka iray, mitsangana eo izy ankehitriny, alaim-baraka, jamba, nalemy, fahafaham-baraka iray. Izany no sary iray an’ny—an’ny taranaka iray malemy, rendrika. Izany no sarin’ny—an’ny—an’ny firenena iray izay nahavery ny fifikirany amin’Andriamanitra. Izany no sary iray an’ny fiangonana izay mahavery ny fifikirany amin’ny Tenin’Andriamanitra, satria izany no asehon’i Samsona eto. Nalaim-baraka, rava, tao anatin’ny toerana iray mahatsiravina izy raha nipetraka teo, na nitsangana teo, raha ny marina. Noho izany dia azonareo eritreretina ve izy mitsangana, ity lehilahy malaza ity izay, indray mandeha, izay azony natao; nefá indro izy eto mitsangana ao amin’izany toerana izany, nalaim-baraka, araka ny nolazaiko, rava, mari-pamantarana iray izay tiako hambara izao hariva izao. Ity mari-pamantarana ity no maneho an’ilay tena ora mihitsy izay iainantsika ankehitriny, ny toeran’ny fiangonana ankehitriny; rava, any ivelan’ny Tenin’ny Tompo; nalaim-baraka, any ivelan’ny toerany. Ary tonga ilay fanontaniana, androany, eo amin’ny rindrina ilay sora-tànana ka iza no afaka mamaky azy? Tsy mahafantatra na inona na inona mikasika an’izany izy ireo.

³⁶ Ndao alaintsika sy zahantsika ny fisainan’ireto Filistina ireto. Ny tena anaran’ity lehilahy ity mihitsy, Samsona, indray mandeha, dia nahatonga an’ilay firenena manontolo hangovitra, ny manonona fotsiny hoe Samsona, satria nomba azy Andriamanitra. Ary nangovitra nohon’ny tena anarany mihitsy ireo firenena.

³⁷ Tahaka an'izany ilay izy taloha, ny Anaran'i Jesosy Kristy, saingy ankehitriny Izany dia ampiasaina ho teny ratsy iray, vazivazy. Toa tsy misy fanajana intsony ho an'Izany. Nefa, io Anarana io dia ambonin'ny anarana rehetra izay hany tononina eo amin'ny molotry ny mety maty. Izany dia Anarana iray ka nasandratra tena avo ambonin'ny anarana rehetra izay any An-danitra mihitsy aza Izany, ny anarana rehetra eto ambonin'ny tany, ary ny fianakaviana rehetra any Andanitra sy eto an-tany dia Nantsoina amin'Izany. Kanefa ny olona dia mandray an'Izany ho teny ratsy, ireo mambrampiagonana dia mampiasa an'Izany ao amin'ny vazivazy, ary mpitarika fivavahana maro no miteny ratsy an'Izany amin'ireo fanekem-pinoany. Izany no antony analana baraka antsika, eo anatrehan'ny kominisma, Romanisma, sy Protestantisma, ary ireo zavatra izay mipoitra eto an-tany amin'izao andro izao. Ary izany no antony analana baraka antsika. Tokony ho fantatsika ireo valiny ireo. Manana an'izany ao amin'Ny Bokiny Andriamanitra, ho an'izao andro izao, saingy nandeha nankany amin'ny zavatra hafa isika, nanadino ny mikasika an'Izany.

³⁸ Maro tamin'ireto Filistina ireto, raha nitsangana teo izy ireo, ireo mpiady lehibe ireo, tsy isalasalana... Nilaza ny olona iray, hoe, "Ny zava-mitranga manaraka dia Samsona." Maro tamin'ireo mpiady ireo, niaraka tamin'ireo vehivaviny niravaka tsara sy namiratra, no njery teo ambonin'ilay fefy ka nahatsiaro nahita an'i Samsona nitsangana tao amin'ny fomba hafa iray, indray mandeha rehefa teo aminy ny Fanahin'ny Tompo; nitsangana niaraka tamin'ny Valanororanon-dramole iray, teny an-tanany, niaraka tamin'ny Filistina arivo nипetraka nanodidina azy. Ary nandositra nankany amin'ny vatolampy iray izy ireo tany ho any, mba hahazo fialofana.

³⁹ Rehefa naka an'ilay valanororanon-dramole iray izay efa nипetraka tany an-tany efitra ny lehilahy iray, ny olona rehetra dia mahafantatra fa kapoka anankiray eo amin'ny vatolampy iray na zavatra iray, amin'io taolana io, dia hanorotoro azy ho potipotika. Ary ireo fiarovan-doha ireo, ny sasany amin'izy ireo dia inch iray, hatrany amin'ny inch iray sy sasany, ny hateviny, varahina. Ary ity lehilahy ity dia tsy miaramila iray, ary tsy lehilahy iraynofanina ho--ho an'ny lefona izy. Ary ireo Filistina miaraka amin'ny palitaon'akanjo, akanjo izay mifatopatotra, mifampitaingina tahaka ny takom-baravarankely iray, miaraka amin'ny vy izay misakana an'ireo lefona sy ny sisa tsy hamely azy ireo; ary miaraka amin'ireo fiarovan-doha ihany koa, ary miaraka amin'ireo ampinga, sy miaraka amin'ireo lefona. Ary nodidinin'izy ireo ity lehilahy ity, Samsona, ka nieritreritra hoe, "Afaka haka an'io lehilahy io ilay herin'ny tafika lehibe."

⁴⁰ Ary tsy nanana na inona na inona izy teny an-tanany. Ary nahita valanororanon-dramole tranainy iray izy, ka nanomboka nikapoka, havanana sy havia, mandra-pandringany Filistina

arivo. Nahoana? Hoy ny Baiboly hoe, “Ny Fanahin’ny Tompo no teo aminy.”

⁴¹ Nitsangana teo izy, hafa ankehitriny. Natolony ny tsiambaratelony. Afaka nahatsiaro azy tanteraka mihitsy izy ireo.

⁴² Mety efa nisy vondrona iray hafa teo, izay afaka nahatsiaro alina anankiray izay namitahan’i Delila azy tao amin’ny—ny tanànan’i—i Gaza. Ary nakaton’izy ireo ny vavahadiny goavana, angamba nilanja iray taonina na mihoatra, ny iray, vavahady varahina goavana be an’ilay tanàna, izay nanana tsivalam-by izay niditra tao amin’ireo vatolampy ary nifatotra, tamin’ny karazana savily izay tsy hananantsika ny tahaka an’izany amin’izao andro izao. Ary hoy izy ireo hoe, “Hamely anao ny Filistina, ry Samsona.” Ary maro tamin’ireo miaramila no nitsangana nanodidina ny vavahady, ka tsy nahateny, rehefa afaka nanapaka an’ireo tady izy ka nandeha nidina. Ary nipuritaka tahaka ny andiana kalalao amin’ny andro alina izy ireo, rehefa ampirehetina ny jiro. Teo aminy ny Fanahin’ny Tompo, naniji-tàhana izy ka nanongotra vavahady anankiray, ary nanongotra an’ilay anankiray hafa, ka nametraka an’izany teo amin’ny sorony ary nandeha niakatra teny amin’ny havoana, ka nipetraka. Afaka nahatsiaro an’izany izy ireo. “Mpiady iray toy ny inona,” maro tamin’izy ireo no afaka nahatsiaro an’izany, nahita azy tao amin’ny fandresena lehibe, “saingy jereo izy ankehitriny!”

⁴³ Izany ilay sarin’ny fiangonana. Afaka mamaky ao amin’ny Baiboly aho, ny amin’ny fiangonana fony izy feno ny Fanahy Masina voalohany, famantarana sy fahagagana lehibe no nanaraka ny favorian’izy ireo. Afaka mahatsiaro isika taona vitsy lasa izay, efapolo na dimampolo taona lasa, rehefa feno an’ilay Hery iray ihany ny fiangonana. Fa jereo izy ankehitriny, mitsangana voaendaka izy. Nisy zavatra nanendaka azy, ilay zavatra iray ihany izay nanendaka an’i Samsona, ny rehetra dia vokatry ny fihainoana vehivavy iray izay nitondra azy. Ary ny nanendaka ny fiangonana, dia ny fihainoana an’io toeram-behivavy voarafitri io, io Jezebela antitra io. Ilay tena zavatra izay nananganana an’i Samsona ho resena mihitsy, no nandresy azy. Ary ilay fiangonana Pentekotista, izao hariva izao, dia mitsangana ao amin’ireo lâlana iray ihany ireo. Ilay tena zavatra izay nananganana azy ho resena mihitsy, fanaovana anaram-piagonana, no nampivondronany ny tenany hiverina hiditra ao indray, ka lasa ny heriny. Marina. Niala taminy ny Herin’ny Tompo.

⁴⁴ Tokony ho fantatsika fa isaky, amin’ny alàlan’ny tantara, hany mandrafitra ny fiangonana iray, dia niala taminy teo no ho eo Andriamanitra. Lavo izy ary tsy nitsangana intsony indray. Ary ny Pentekotista dia zavatra izay nivoaka avy tao amin’ny

anaram-piangonana, saingy, ilay izy dia, nanaiky fitarihana nataon'olona isika raha tokony ho ny Fanahy Masina.

⁴⁵ Ary izany marina tokoa no nataon'i Samsona. Eritrерето izany, inona no tsy maintsy nandalo tao amin'ny sain'io lehilahy io raha mbola nitsangana teo izy. Tsy maintsy nieritreritra an'ireo fandresena lehibe rehetra izay nomen'Andriamanitra azy izy, ireo zavatra lehibe izay nataon'Andriamanitra taminy sy ho azy; ary ahoana fa, raha mbola niaraka tamin'Andriamanitra izy, ny herin'Ny Fanahiny, ary ny fifaliana sy fiadanana izay nananany raha mbola niaraka tamin'Andriamanitra izy, ary Andriamanitra sy ny Vahoakany. Ahoana no nahadiso an'i Samsona Taminy! Ankehitriny, ilay tena firenena izay nananganana an'i Samsona ho ravàna mihitsy, no namatotra azy.

⁴⁶ Ary ilay tena zavatra izay nananganan'Andriamanitra ny Pentekosta mba hatao mihitsy, no namatotra azy ireo, nanendaka ny fiombonana, nanendaka ny hery; mambra mifamaly, mikorontana, matimaty. Zavatra tsara, lehibe, ny zavatra rehetra, saingy tsaratsara kokoa ho azy ireo raha izy ireo—raha nanana an'ilay amponga tranain'ny Tafiky ny Famonjena izy ireo, na ilay gitara kely tranainy, teny amin'ny zoron-dàlana tany ho any indray. Aleoko manana azy tahaka an'izany, toy izay manana an'ireo katedralintsika izay ananantsika, mitentina an-tapitrisany dolara.

⁴⁷ Fa nitsangana teo izy. Tsy nahomby izy. Ankehitriny dia mpifatotra iray an'ilay tena firenena izay nananganan'Andriamanitra azy ho ravàna mihitsy izy.

⁴⁸ Nampanaovin'izy ireo kilalao izy, mba hamalifaly azy ireo. Ary izay ihany no misy amin'izao andro izao, karazana fitapitaka iray mba ezahana hamalifaly azy ireo.

⁴⁹ Mamela vehivavy iray hitaona azy am-pitaka hiala amin'ny Tenin'Andriamanitra nampanantenaina! Izany ilay zavatra iray ihany izay nataon'ny fiangonana, namela vehivavy iray, Jezebel, "ilay renin'ny mpijangajanga," voaseho ao amin'ny Apokalypsy 17, nitaona azy ireo am-pitaka hiverina ao amin'ilay lò izay nivoahan'izy ireo. Araka ny lazain'ny Baiboly hoe, "Tahaka ny kisoavavy iray, miverina amin'ny fotany, sy alika iray amin'ny lòany."

⁵⁰ Ary raha mbola mijanona ho kisoavavy iray foana io kisoavavy io, izy dia, ny natiorany dia kisoavavy, handeha hiverina avy hatrany hankany amin'ilay fotaka izy. Ary, ianareo, ny fomba tokana hihazonanareo azy hivoaka avy ao amin'ilay lava-potaka dia ny manova ny natiorany.

⁵¹ Izany no fomba tokana hany hahazoanareo fahasamihafana iray ao amin'ny fiangonana amin'izao andro izao, izany dia tsy maintsy manao fanovàna natiora. Ary raha tokony ho rafipivavahana iray no mitarika an'ireo mpitory teny, dia mila ny Fanahy Masina, amin'ny alàlan'ny Teny, hitarika azy ireo

hiverina amin'io fanahin'ny fahatahorana an'Andriamanitra io indray. Marina izany. Raha nandò ilay alika ka nanao azy harary tao amin'ny vavoniny izany, tamin'ny voalohany, dia tsy hanao azy harary indray ve izany? Ary raha niantso antsika hivoaka avy tao amin'ny loto iray Andriamanitra, satria... eny, tsy hanao an'ilay zavatra iray ihany indray ve izany? Noho izany dia miverina avy hatrany ao amin'izany isika, ilay zavatra iray ihany. Tsy tokony natao mihitsy izany.

⁵² Io rafitri'i Jezebelo io, jamba ara-panahy ankehitriny, milaza aho, amin'ny Tenin'Andriamanitra, manakambana ny tenany ao amin'ilay Fiombonamben'ny Fiagonana. Ny zavatra rehetra, ny fampianarantsika lehibe ara-pilazantsara, tsy maintsy manary an'izany isika, mba ho rafi-pandaminana iray. Satria, ireo rafi-pandaminana rehetra izay tsy ao anatin'io Fiombonamben'ny Fiagonana io, manana an'ilay gazety mikasika an'izany aho, hoe na dia tsy ao anatin'io Fiombonamben'ny Fiagonana io aza ny fiagonanareo, amin'ny fotoan'ny olana, dia afaka mampiassa ny fiagonanareo hitehirizana bala na zavatra izay tian'izy ireo tehirizina izy ireo. Ary raha tratra mivavaka ho an'ny olona iray ny lehilahy iray, raha tsy mikambana amin'io Fiombonamben'ny Fiagonana io, dia azo tifirina, toy ny nanohitra fanjakana. Marina izany. Manana an'ireo gazety mikasika an'izany aho, avy any Washington. Ianareo, hanery anareo hiditra ao anatin'izany izy ireo. Izany no antony nanoherako an'io rafitra ara-rafi-pandaminana io. Izay ilay izy. Tsy maintsy nihazona an'izany hangina aho mikasika ny hoe izany no mariky ny bibidia, saingy efa tena tara ankehitriny mba ahafahanareo hahafantatra fa izany no fahamarinana. Ah-hah. Hitanareo? Izany ilay izy. Izany marina tokoa ilay izy.

⁵³ Ankehitriny dia inona no nataon'izany? Izany no nitondra ny fiagonana, nanendaka ny heriny, tsy misy afa-tsy anarana, izany no manao sary azy marina tokoa ao amin'ny Apokalypsy 3, ilay Taom-Piangonan'i Laodikia, nandà an'i Kristy, ary tany ivelan'y. Marina tokoa. Nahoana? Nanao marina tokoa tahaka ny nataon'ny reniny izy, niverina nankany amin'ilay ara-anaram-piangonana. Pentekosta, teraka tany ivelan'ny ara-anaram-piangonana, teraka tany ivelan'izany; ary vantany vao nahazo andian'ankizy izy ireo tonga avy tamin'ny sekoly iray, dia tsy maintsy nanana an'ireo seminera sy ny sisa izy ireo, raha tokony ho efitra ambony. Ary ankehitriny, maro amin'ireo fiagonana goavana, tsy maintsy mandalo fitsapana ara-tsaina ny lehilahy iray alohan'ny hamelana azy ho misionera iray any ampitan-dranomasina. Tsy nila notsapaina ilay Fiagonana voalohany, fitsapana ara-tsaina iray, fa tsy maintsy nandalo tamin'ny fitsapan'ny Ràn'i Jesosy Kristy izy ireo, izany no nanao an'ilay fahasamihafana.

⁵⁴ Mariho, namoaka ny tsiambaratelony tamin'i Delila i Samsona. Farany dia tia azy izy ary nikapokapoka azy, ka

niteny taminy fa lehilahy iray mahafinaritra izy, toy ny ahoana no nitiavany azy, hany ka hitany hoe taiza no nisy an'ilay tsiambaratelo, noho izany dia naparitany ilay tsiambaratelo.

⁵⁵ Ary tahaka an'izany marina tokoa no nataon'ilay Jezebela reny antitra tamin'ilay fiangonana Protestanta, nanety azy. Ary ankehitriny dia manao marimaritra iraisana amin'ny foto-pampianaranana kely vitsy izy ireo izay lazain'izy ireo fa ananany, mba ahafahan'izy ireo manana firaisansa manerana an'izao tontolo izao. Ary ny toerana voalohany nanapahan'ny fiangonana ny volon-dohany dia tany Nise, ary hanapaka azy ireo indray izy hatramin'ny nahatongavany teto. Izany no tsiambaratelony, dia ny Teny. "Raha mitoetra ato Amiko ianareo ka Ny Teniko ao aminareo, dia afaka mangataka an'izay tianareo ianareo, hatao ho anareo izany." Hitanareo, teo no nanarian'izy ireo ny tsiambaratelony. Jereo izy ireo ankehitriny, resy tahaka an'i Samsona mihitsy. Ireo mpitoriteny, raha tokony ho nateraka...

⁵⁶ Tahaka ny nolazain'i David duPlessis indray mandeha hoe, "Tsy manana zafikely pentekotista Andriamanitra."

⁵⁷ Fa tahaka an'izany no anaovanareo hoe, "Ny reniko dia pentekotista. Nanana fahatsapana iray izy. Izy nanao an'ity. Ny raiko dia nanao an'izao-sy-izao." Tsy misy idiran'izany aminareo. Tsy maintsy manana an'ilay zavatra iray ihany ianareo.

⁵⁸ Ankehitriny isika dia manana seminera izay mikotrika an'ireo mpitoritenintsika, ary manorina an'ireo goavana kokoa foana isika. Ary—ary manana mpianatra psykolojia isika. Ary mety tsara izany raha te-hampianatra psykolojia ianareo, saingy tsy miraharaha psykolojia aho. Te-hahafantatra an'i Jesosy Kristy fotsiny aho, izay ihany aho—aho...ny rehetra tiako ho fantatra, dia Izy. Ankehitriny dia hitantsika fa izany no ananantsika. Tokony hanao ny faminanian'i Timoty Faharoa 3 hiseo izany, izay hahatonga azy ireo, "matimaty," fantatrareo, "kirina, mpieboebo, tia fahafinaretana mihoatra noho ny fitiavana an'Andriamanitra, sy mpanontolo fo, tsy mahonom-po, sy—sy lozabe, ary tsy tia ny tsara."

⁵⁹ Inona no nataon'izany tamintsika? Saiky nanao ny vehivavintsika Pentekotista ho fanaovana fampisehoan'ny Hollywood iray izany. Marina izany. Ratsy taloha ny nandeha nankany amin'ireo sarimihetsika, ny sinema. Fa ankehitriny, fantatrareo, resin'ny devoly teo amin'izany mihitsy izy ireo, napetrany ao an-trano mihitsy izany. Hitanareo? Marina izany. Ratsy taloha ny nanao an'izany. Ratsy ho an'ireo anabavintsika taloha ny nanopaka ny volony na nanao akanjo fohy. Fa tsy izany ilay izy ankehitriny, tsy amin'ny fomba fiheverana Pentekotista, ao amin'ireo rafi-pandaminan'izy ireo. Fa mbola ratsy foana izany, araka ny Tenin'Andriamanitra! Saingy, hitanareo,

manana ny—ny—ny heriny notapahina izy ireo. Ah-hah. Hitanareo? Ary avy eo dia hoy izy ireo hoe, “Eny, ny fiangonanay dia mino . . .” Tsy ahoako izay inoan’ny fiangonanareo. Ilay izy dia izay nolazain’Andriamanitra! Izany no antony itsanganany, amin’izao andro izao, tsy manana an’ilay valiny.

⁶⁰ Tahaka an’izany marina tokoa no nitsanganan’i Samsona. Ilay zavatra iray ihany i Samsona. Tsy maintsy nieritreritra an’ireo fahadisoany izy, raha nitsangana teo. Tsy mino aho fa afaka mitsangana eo ny lehilahy iray ary misaina tsara, ka tsy afaka hieritreritra, mahafantatra, indro izy ankehitriny, izy dia lasa va—va—vato manafintohina iray fotsiny. Toerana iray toy ny inona, lehilahy goavana be iray mitsangana eo! Ny lehilahy rehetra izay hany tao anatiny, raha mbola antsoiko foana hoe hozatra, ny tsirairay avy tamin’izy ireo dia teo. Mbola nanana an’ireo hozany foana izy. Mbola nanana an’ireo hozany goavana foana izy, ireo hozan-tsandrinny izay nananany. Nanana totohondry goavana be izy. Mbola goavana tahaka ny naha-izy azy hatramin’izay foana angamba izy. Am-pahatsorana, ny fiangonana Pentekotista dia goavana betsaka kokoa noho ny naha-izy azy hatramin’izay, saingy taiza Andriamanitra? Izay ilay izy. Eny. Raha nitsangana teo izy, nahatsiaro an’ireo fahadisoany, dia tsaroany izay nahatonga an’ilay izy voalohany. Ny nahatonga an’ilay izy, voalohany, dia tsy ireo masonry araboajanahary voapotsitra loatra, fa ilay izy dia ny fijeriny arapanahy voapotsitra, ka navelany hila fitia taminy tao amin’izany i Delila.

⁶¹ Ary izany no misakana ny fiangonana amin’izao andro izao, dia, natakalo andiana fanekem-pinoana ilay fahazoana arapanahy ny Tenin’Andriamanitra. Izany ilay maso . . . Ny devoly dia, ny zavatra voalohany azony atao, dia ny manapotsitra ny masonareo, miteny aminareo hoe, “Andiana holy-rollers iray izany,” miteny aminareo hoe, “Izany dia *ity, itsy*, na ny *hafa*, na hetsiky ny devoly, na fifandraisana ara-tsaina, na zavatra eo amin’izany lamina izany.” Raha afaka manapotsitra ny masonareo hivoaka izy, dia ao anaty aizina ianareo.

⁶² Ary mariho ny fiangavian’i Samsona voalohany tao amin’ny fivavahany hoe, “Tompo, mba ahafahako mamaly faty ny masoko roa!” Fantany fa teo no nahatongavan’ny olany. Mariho, naniry ireo volon-dohany, saingy jamba izy. Tsy maintsy nivembena izy, tamin’ny androm-piainany sisa. Jamba izy.

⁶³ Mety manana milina goavana iray izay hany nananantsika isika, ary mambra betsaka; fa inona no soa ataon’izany, raha jamba amin’ilay tena zavatra mihtisy izay miseho eo anoloanareo ianareo, ka tsy afaka mahita an’izany? Inona no mitranga eto, isan’andro, amin’ny olona, manambara ny Tenany ny Fanahy Masina, nefo tsy mahita an’izany ny olona. Izany no jamba, jamba ara-panahy!

⁶⁴ Nitsangana izy ireo ary nandinika an'i Jesosy nanao fahagagana, sy ny sisa, ary nanambara ny Tenany ho ny Mesia, fa tsy afaka nahita an'izany izy ireo. Hoy Izy hoe, "Mana-maso izy ireo, fa tsy afaka mahita." Jamba izy ireo.

⁶⁵ Ary jamba i Samsona. Fa ity no fantatr'i Samsona, izay tsy mbola nahatongavan'ny fiangonana mihitsy, fantany fa nisy azo atao iray hiverenana indray.

⁶⁶ Raha afaka mahafantatra an'izany fotsiny mantsy ny fiangonana, azo atao iray, saingy toa tsy mbola mahatakatra an'ilay fijery ny olon'izao andro izao. Toa tsy takatr'izy ireo izany, hoe misy ny azo atao iray. Tsy miseho izany. Afaka mbola miantsoantsa kely ianareo, mbola mitehaka kely ny tànanareo, na mbola mandihy kely, tsy izany ilay izy. Tsia. Ilay izy dia miverina amin'ny Teny; misy azo atao iray hiverenana sy hampidirana ny Teny ao anaty indray. Nodinganinareo Izany teo. Mariho, nipetraka nifanety izy ireo. Oh, azo antoka, nitehaka ny tànany ve? Eny, tompoko. Saingy, hitanareo, io rehetra io dia sambo, tsy misy vatoфantsika.

⁶⁷ Efa nahita an'ireo mpanompo sampy nitehaka ny tànany aho, nandihy, niteny tamin'ny fiteny tsy fantatra, ary nanao an'ireo zavatra rehetra ireo, sy nandika an'izany, saingy Afrikana mpanompo sampy izy ireo. Azo antoka. Efa nahita azy ireo nametraka pensily iray tamin'ny tany aho, ary nitsangana teo io mpampianatra mpamosavy io ka nanao an'io pensily io hitsangana, ary nandeha nandroso-sy-niverina teo amin'ny toerana iray tany, ary niverina ka nitendry, toy ny hoe, "manaratra sy manapaka volo, sombiny roa," ka namoaka fiteny tsy fantatra iray ary nanoratra an'izany, ary nitsangana teo ny iray tamin'izy ireo, nandika an'izany. Oh, oadray!

⁶⁸ Tsy afaka miankina amin'izany ianareo. Maro amin'izy ireo no miteny amin'ny fiteny tsy fantatra nefo mandà an'ireo tena fitsipik'i Jesosy Kristy mihitsy. Nalaiko ny Baiboliko, napetrako teo amin'ny lehilahy iray Izany; nitsangana teo izy, niteny tamin'ny fiteny tsy fantatra. Dia hoy aho hoe, "Rahalahy, *Ity* no marina tokoa."

⁶⁹ "Tsy te-hijery an'Izany akory aza aho. Voninahitra ho an'Andriamanitra! Fantattro izay nolazain'i Jesosy, tsy ahoako ny sisa amin'Izany. Haleloia! Voninahitra ho an'Andriamanitra," tahaka an'izany. Nahoana, ny olona iray izay hanodina ny lamosiny amin'ny Fahamarinana ka mametraka tabataba iray tahaka an'izany, mba hiala tsy hijery ny Fahamarinana, dia fihatsarambelatsihy izany, ary ny hahavon'izany, satria hahafoy ny kara-piombonany fotsiny izy raha nanaiky ny Fahamarinana. Ratsy noho i Samsona izany. Mariho, fa tsy takatr'izy ireo Izany. Nipetraka nifanety izy ireo.

⁷⁰ Ankehitriny, oh, azo antoka, manana fiarahana lehibe isika, "fivoriana," no iantsoantsika azy, fifohazana an'izao tontolo

izao, sy ny sisa, ary feno girlandy, azo antoka, zavatra goavana be, ary dokam-barotra lehibe hoe, "Ilay lehilahy miaraka amin'ny hafatry ny ora, ary *Ranona-sy-ranona* ary *Ranona-sy-ranona*." Manana an'izany rehetra izany isika, saingy aiza Andriamanitra? Izany, izany ilay zavatra tadiavintsika, aiza Andriamanitra? Ampahana fanaovana fampisehoana fianarana goavana be iray, olona iray miaraka amin'ny fianarana betsaka izay tsy...hampiasa ny teny ka tsy afaka mahazo an'izay nolazainy ny antsasaky ny olona, kanefa dia manana diplaoma fanomezam-boninahitra iray izy, ary diplaoma iray, sy diplaoma iray, ary diplaoma iray, ka afaka mampitaha sy mametraka an'ireo teny miaraka izy, ary mijoro mahitsy tanteraka tokoa, ka manao "ameña" marina tokoa, ary mihodina tahaka ny lehilahy miaramila iray, miala eo amin'ny lampihazo. Fa aiza Andriamanitra?

⁷¹ Nitsangana tao amin'io toerana io i Samsona indray mandeha, ny tenany, ary nahafantatra ny herin'Andriamanitra, fa ankehitriny dia voaharatra tamin'ireo tombontsoa ireo izy. Goavana tahaka ny naha-izy azy hatramin'izay mihitsy izy, saingy tsy teo Andriamanitra.

⁷² Manana betsaka an'izany isika amin'izao andro izao. Mampalahelo loatra ny ananantsika an'izany, saingy manana an'izany isika. Mahamarika isika ankehitriny. Saingy tsy mamerina ny Fanahin'Andriamanitra izany. Ankehitriny, ny zavatra amin'ilay izy dia, tsy manaiky handoa ny vidiny hiverenana amin'Izany ny olona. Mino aho fa Andriamanitra dia mijanona mihitsy tsy miova araka ny naha-izy Azy hatramin'izay. Fa, ilay zavatra amin'ilay izy dia, tena tafiditra ao anatin'izao tontolo izao ny olona, ary izao tontolo izao ao anatin'izy ireo, hany ka manana fivavahana ampy hanao azy ireo ho mampalahelo fotsiny mihitsy izy ireo. Tsy ampy mba hiverenana amin'Andriamanitra marina tokoa ka hanome ny fonareo manontolo ho Azy, fa ampy hoe, "Hia, mandeha any ampiangonana aho. Izany tokoa, mankasitraka ny fihirana tsara sy fitehafan-tànanana aho. Hia, tiako izany, hitanareo."

⁷³ Fa rehefa tonga mihitsy eo amin'ny mampihatra an'izay lazainareo fa inoanareo ilay izy, ary vonona ny hiaiky ny ratsy, dia tsy ataon'izy ireo izany. Tsy eo fotsiny izany. Tsy manana an'izany izy ireo. Eny, izany no tena faharesen-dahatra. Izany no ilaintsika. Efa ela no namelantsika an'izany, efa ela be, ka nanakalo an'izany. Vavaka, sy-sy fiaikena, ary faharesen-dahatra, natakalontsika fientanam-po izany, fangovitana iray, na fihetsehana iray, na fitsambikinana ambony-sy-ambany iray. Izany no antony hoe tsy misy fihazonana mafy, satria tsy misy na inona na inona eo hihazonana azy ireo, mandra-pahatonganareo eo amin'ny fototry ny Tenin'Andriamanitra, an'ny alahelo masina, vonona ny hibebaka sy hanitsy ny zavatra rehetra, ary hanao izay marina, vonona ny hiaina tsara. Tsy ahoako izay lazain'ny

olona, na ny zavatra hafa, miaina ho an'ny anareo ianareo, ho an'i Jesosy Kristy sy izay Nolazainy. Noho izany dia raiso ny fiangonana iray tahaka an'izany, miverina, misy ny azo atao iray ahatongavany. Saingy tsy manaiky hanao an'izany izy ireo.

⁷⁴ Nivavaka tsara i Samsona hoe, “Tompo, avelao aho ho faty miaraka amin’ireto Filistina ireto.” Oh, oadray! Hitanareo ve hoe inona no ho vidin’izany aminy? Ahoana moa raha mamaly ny fivavahany Andriamanitra? “Avelao aho ho faty.” Oh! Tiako izany.

⁷⁵ Patrick Henry ve no nanao hoe, “Omeo fahafahana aho raha tsy izany dia omeo fahafatesana aho”? Marina izany.

⁷⁶ Eny àry, izay ilay izy, fahafahana na fahafatesana! Ilay izy dia miverina amin’Andriamanitra, na—na fahafatesana. Inona no hataontsika? Inona no alaintsika tahaka? Inona no andramantsika lalaovina, Kristianisma ve? Raha mbola Fanahy Masina foana ny Fanahy Masina izay nilatsaka tamin’ny Pentekosta, dia mbola manao an’ireo zavatra iray ihany izay Nataony tamin’izany foana Izy. Ilay Hery iray ihany, ilay Fanahy iray ihany, hiasa amin’ilay fomba iray ihany Izany. Tsy mila filan-kevitry ny fiangonana iray isika. Mila ny Baiboly ao amin’ny hetsika indray isika. Marina tokoa izany.

⁷⁷ Ankehitriny dia hitantsika fa nivavaka tsara i Samsona hoe, “Tompo, avelao aho ho faty miaraka amin’ny fahavaloo,” maty ny amin’ilay fahavaloo izay nanao azy tao amin’io fanao io. Raha misy zavatra izay tokony ivavahan’ny olona, izao hariva izao! Ary hitantsika ilay zavatra izay nanao an’io, dia ny manalavitra ny Baiboly, mankany amin’ny fanekem-pinoana iray. Noho izany, matesa miaraka amin’ilay zavatra, mivoaha avy ao amin’izany! Matesa ny amin’izany. Nanaiky ny handoa ny vidiny i Samsona mba hahazo ny Herin’Andriamanitra hiverina indray. Misy vidiny iray tsy maintsy aloha ho an’Izany, saingy, amin’izao andro izao, dia toa tsy ataon’ny olona izany.

⁷⁸ Oh, mandre fifohazana isika, azo antoka. Eny, manana fifohazana iray ara-anaram-pianganana isika, mampiditra mambra betsaka, sy ireo zavatra tahaka an’izany. Fa jereo ireo fitondran-tena, mihalò tsy ankitsahatra izany. Jereo hoe lavitra sy lavitra toy ny ahoana no analaviran’izy ireo an’Andriamanitra isan’andro, manalavitra ny Teny. Ary ankehitriny rehefa mandeha izy ireo ka miditra ao amin’ny Fiombonamben’ny Fianganana, nahoana, dia nanaiky an’ilay mpamono goavana indrindra izay ananan’ilay tontolon’ny fianganana izy ireo. Ny Teny izay navelan’Andriamanitra ho azy ireo, nodinganiny Izany rehetra izany. Tsy afaka mampianatra an’ity Baiboly ity ianareo; tsy maintsy mampianatra ny fanekem-pinoan’izy ireo ianareo. Izay ilay izy.

⁷⁹ Zavatra anankiray no fantatr’i Samsona, ary manontany aho raha mahalala ny fianganana amin’izao andro izao. Fantany

fa tsy afaka nahazaka an'ilay fihaiken'ny ora ny toerany nihemotra. Ary fantattro, amin'izao andro izao, fa tsy afaka mahazaka an'ilay fihaiken'ity ora ity ny toeran'ny fiangonana nihemotra. Ary hiha-ratsy izany. Hoy ny Baiboly hoe, "Tahaka ny nanoheran'i Jana sy Jambra an'i Mosesy, dia ho toy izany koa no hanoheran'izy ireo; olona maloto saina, mikasika ny Finoana." Saiky afaka maka tahaka an'Izany marina tokoa izy ireo.

⁸⁰ Nandeha nidina niaraka tamin'ny baikony avy tamin'Andriamanitra i Mosesy, niaraka tamin'ny tsorakazo iray teny an-tanany. Dia hoy Andriamanitra hoe, "Ataovy eo anatrehan'izy ireo *ity* famantarana ity. Ka rehefa tsy hihaino an'io izy ireo, amin'izay fotoana izay dia ataovy eo anatrehan'izy ireo *ity* famantarana ity. Ary rehefa tsy hihaino an'io izy ireo, amin'izay fotoana izay dia homba anao Aho, Izaho no hikarakara ny sisa amin'izany."

⁸¹ Eny, nandeha nidina niaraka tamin'ny famantarany voalohany i Mosesy. Ary, vantany vao nanatanteraka an'io famantarany voalohany io izy, dia nisy mpaka tahaka hatraiza hatraiza, nanao an'ilay zavatra iray ihany. Fa tsy nifamaly mikasika an'izany mihitsy i Mosesy. Nipetraka tsara fotsiny izy, satria fantany fa Andriamanitra no naniraka azy. Hanana an'io hiverina indray isika amin'ny andro farany, tsarovy. Hitanareo?

⁸² Ary tsy hahazaka an'ilay fihaiken'ny ora ny toetrantsika mihemotra ankehitriny, kanefa dia eto daholo ilay rafitra goavana. Betsaka noho ny nisy hatramin'izay ireo Pentekotista eto amin'izao tontolo izao amin'izao andro izao, izay fantatsika, mpino Pentekotista betsaka. Marina izany.

⁸³ Fantatrareo, *The Sunday Visitor*, ilay gazety Katolika, gazety Alahady antsoina hoe *The Sunday Visitor*, mino aho fa teo amin'ny roa taona lasa teo izay, dia nanao karazana filazana iray tahaka an'izany. Hoy izy hoe, "Ny fiangonana mitombo haingana indrindra eto amin'izao tontolo izao dia ny Pentekotista." Hoy izy, "Tamin'ny taona lasa, dia nanao firaiketana fiovam-po iray tapitrisa ny fiangonana Katolika, ho amin'ny Katolisima." Saingy nilaza fa ny... Katolisima izany rehetra izany. Saingy hoy izy, "Ny fiangonana Pentekotista irery, amin'ny tenany, dia nanao firaiketana iray tapitrisa, dimy hetsy."

⁸⁴ Ankehitriny dia eo ilay rafitra, saingy tsy manana an'ilay hery izay nananantsika fony isika eran'ny tanana isika. Ny halehiben'i Samsona rehetra dia nitsangana teo, saingy taiza ilay Herin'ny Tompo? Eny, tsy manamarina ny Tenin'ny Tompo ilay rafitra ara-anaram-piangonana. Marina izany. Mariho ankehitriny.

⁸⁵ Niresaka tamin'ny pretra iray izay mipetraka eo amin'ny lalana avy eo amiko aho, ilay fiangonana Sacré Coeur.

⁸⁶ Teo amin'ny iray volana lasa izay, hatramin'ny nivoahan'io vaovao io, dia nasain'ilay mpitory teny Loterana ilay pretran'ny fiangonana Katolika, fiangonana Sacré Coeur, mba hitory teny ho azy teo amin'ny polipitrany. Ary ilay—ilay pretra Katolika dia nanasa an'ilay mpitoriteny Loterana hilaza ny lamesa ho azy. "Fanakalozana polipitra," lahatsoratra goavana tao amin'ny gazety. Hia. Azo antoka. Oh, oadray, raha afaka mahita an'izany ny olona iray ka tsy... Raha tsy mety azonareo izany, eny, ianareo dia—ianareo dia—jamba ara-tSoratra tokoa ianareo. Hitanareo? Eny.

⁸⁷ Niresaka tamin'io pretra io aho. Ary nilaza tamiko izy, hoy izy hoe, "Te-hiresaka aminao aho, Andriamatoa Branham."

Hoy aho hoe, "Eny àry."

⁸⁸ Dia hoy izy hoe, "Nanao batisa an'io zazavavy Frazier io ve ianao, amin'ny anarana hoe Mary Elisabeth Frazier?"

Hoy aho hoe, "Eny, tompoko, nanao aho."

Hoy izy hoe, "Mila ny filazanao voasonia mikasika an'izany ny eveka."

Hoy aho hoe, "Azoko fa—fa nivadika ho Katolika izy."

⁸⁹ Dia hoy izy hoe, "Eny," hoy izy, "niverina nankany amin'ilay renim-piangonana izy."

⁹⁰ Dia hoy aho hoe, "Eny, tompoko," hoy aho, "ny reniny no niteny tamiko mikasika an'izany."

Hoy izy, "Eny, tsy nankasitraka an'izany loatra ny reniny."

⁹¹ Hoy aho hoe, "Hia, niteny tamiko ny reniny hoe 'aleony nandeha niaraka taminy nankany am-pasana." Ary hoy aho hoe, "Am-pahatsorana, izany no nataony."

⁹² Ary noho izany dia hoy izy, hoy izy hoe, "Tiako ianao hanasonia an'ity filazana ity." Hoy izy, "Nanao batisa azy ve ianao? Ahoana no nanaovanao batisa azy?"

Hoy aho hoe, "Tamin'ny batisa Kristiana."

⁹³ Dia hoy izy hoe, "Ny tiako lazaina dia hoe *ahoana*, tompoko? Namafy azy ve ianao, nandraraka, sa nanitrika azy?"

Hoy aho hoe, "Ny batisa Kristiana dia manitrika."

⁹⁴ "Ah-hah," hoy izy, "eny àry." Hoy izy, "Ankehitriny, ianao, nanitrika azy tamin'ny Anaran'ny Ray, Zanaka, ary Fanahy Masina àry ve ianao?"

⁹⁵ Hoy aho hoe, "Eny, tompoko, izany hoe Jesosy Kristy, izany no Anaran'ny Ray, Zanaka, ary Fanahy Masina. Tahaka an'izany aho—no nanaovako batisa azy."

⁹⁶ Dia hoy izy hoe, "Nanao batisa azy tamin'ny Anaran'ny Ray, Zanaka, ary Fanahy Masina ve ianao?"

⁹⁷ Hoy aho hoe, "Eny, tompoko. Tsy nanonona an'ireo teny ireo mihitsy aho, ankehitriny. Nataoko batisa izy tamin'ilay

Anaran’ny Ray, Zanaka, ary Fanahy Masina, izany dia ‘Jesosy Kristy.’”

⁹⁸ Hoy izy hoe, “Eny, tompoko, hitako,” ary noraisiny naoty tahaka an’izao izany. Hoy izy hoe, “Fantatralo, tahaka an’izany no nanaovan’ilay fiangonana Katolika voalohany batisa azy ireo.”

Hoy aho hoe, “Oh, marina ve izany?”

Dia hoy izy hoe, “Hia, tahaka an’izany.”

Hoy aho hoe, “Inona no nitranga? ‘Nihazakazaka tsara izy ireo.””

⁹⁹ Dia hoy izy hoe, “Eny,” hoy izy, “hitanao,” hoy izy—hoy izy, “mino Baiboly ianao. Andriamanitra dia ao amin’ny Fiangonany.”

¹⁰⁰ Hoy aho hoe, “Andriamanitra dia ao amin’Ny Teniny, tompoko, Ny Teniny.” Hoy aho hoe, “Nilaza ve ianareo fa i Petera no papa voalohany.”

Hoy izy hoe, “Izany izy.”

¹⁰¹ “Eny,” hoy aho, “noho izany raha tsy maintsy milaza an’ireo lamesa rehetra ny fiangonana Katolika amin’ny—amin’ny Latina, sy ny sisa, mba tsy hiovany; amin’izay fotoana izay dia inona no nolazain’ilay papa voalohany, ao amin’ny Asa 2:38, izay nilazany hoe, ‘Mibebaha ary aoka hatao batisa, ny tsirairay avy aminareo, amin’ny Anaran’i Jesosy Kristy ho an’ny famelàna ny fahotana.””

Hoy izy hoe, “Raha ianao no . . .”

Hoy aho hoe, “Eo amin’io fiaikena io, sy ny sisa,” hoy aho.

¹⁰² Hoy izy hoe, “Eny, tsy niteny tamin’ireo Mpianany ve Jesosy hoe, ‘na helok’iza na iza no avelanareo, dia havela amin’izy ireo izany; na helok’iza na iza no hazoninareo, dia hazonina amin’izy ireo izany?’”

Hoy aho hoe, “Niteny Izy.”

¹⁰³ “Noho izany dia inona no tsy mety amin’izany? Ny tena Baibolinao mihitsy no miteny an’izany amina.”

¹⁰⁴ Hoy aho hoe, “Noho izany raha hamela ny fahotana arak’izay namelan’izy ireo azy ireny ianareo, dia handeha hijaraka aminareo aho. Satria, nanontaniana i Petera, ilay anankiray izay nanana an’ireo fanalahidy hoe, ‘Inona no tsy maintsy hataonay mba ho vonjena?’ Hoy izy hoe, ‘Mibebaha, ny tsirairay avy aminareo, ka aoka hatao batisa amin’ny Anaran’i Jesosy Kristy ho an’ny famelàna ny fahotanareo.’ Ankehitriny ataovy tahaka an’izany ilay izy, dia handeha hijaraka aminareo aho.” Amena. Izany no Teny. Izany no fomban’Andriamanitra amin’ny fanaovana an’ilay izy. Nalemy teo amin’izany izy ireo. Izany no . . .”

Hoy izy hoe, “Eny, eny, tsy tonga mba hiady hevitra aminao mihitsy aho.”

¹⁰⁵ Hoy aho hoe, “Iza no niady hevitra?” Hitanareo? Hoy aho hoe, “Tsy mihitsy aho. Tsy miady hevitra aho. Izaho... nametraka fanontaniana iray tamiko fotsiny ianao, dia namaly an’izany tamin’ny tsara indrindra izay fantattro aho.”

¹⁰⁶ Hoy aho hoe, “Hanontany anankiray aminao aho.” Hoy aho hoe, “Ianao no nilaza fa ny...fa miaraka amin’ny fiangonana Andriamanitra. Ary ankehitriny dia hanome anao ny tombontsoa amin’ny fitenenana aminao aho, ireo Kristiana voalohany, raha tianao ny hiantso azy ireo hoe Katolika, dia mety tsara; Petera, Jakoba, Jaona, Marka, Lioka, ary izy rehetra ireo, izy ireo, eny.” Hoy aho hoe, “Noho izany tamin’ny fanarahana ny lamin’ny Baiboly izay nosoratan’ireo apostoly ireo, ankehitriny ny tianao lazaina ve amin’izao andro izao dia hoe ny diosezinareo ankehitriny no lehibe kokoa noho ny tamin’izany, mahafantatra fahendrena betsaka ianareo? Ary fantatrareo hoe ahoana no hikarakarana an’ilay...?”

“Eny, tompoko. Marina tokoa izany.”

¹⁰⁷ Hoy aho hoe, “Noho izany dia ahoana, fa rehefa nanaraka ny didin’i Jesosy Kristy izy ireo, dia nanangana ny maty, nandroaka devoly, nanao an’ireo karazana famantarana sy fahagagana rehetra, nefo ianareo tsy manao an’izany amin’izao andro izao? Ankehitriny inona no tsy mety?”

¹⁰⁸ Raha tsaratsara kokoa ny fiangonana tamin’ny taona Loterana, na ny taona Wesleyana, na taona hafa iray, noho izy tany aorianana tany, dia nahoana izy ireo no tsy nanao an’ireo asan’izy ireo tamin’izany? Hitanareo? Hitanareo? Izany tokoa. Miverena amin’ny Teny!

¹⁰⁹ Nitsangana teo i Samsona, voaendaka tamin’ny heriny. Saingy, fantatrareo, nisy zavatra iray (Te-handeha haingana aho) izay tsy voamarik’ireo Filistina, raha mbola nitsangana teo i Samsona nieritreritra an’io rehetra io.

¹¹⁰ Maniry aho ny haka an’ilay tontolo Pentekotista ka hametraka azy ireo ao amin’ny zorony iray any ho any, hamela azy ireo hieritreritra an’izany vetivety, hieritreritra an’ireo zavatra mitombona ireo fotsiny. Aiza no misy antsika ankehitriny miaraka amin’ny hahagoavam-ben’ny rafipandaminana? Ny tsirairay avy manohitra an’ilay iray hafa. Ny an’ny Tokana manohitra ny an’ny Roa, ny an’ny Roa manohitra ny an’ny Telo, sy ny sisa, ny rehetra, arak’izay maha-izy azy fotsiny. Tsy tokony ho tahaka an’izany io. Tsy tokony ho tahaka an’izany. Tokony hiverina isika, ary tonga miaraka ka mandamina an’ilay izy eo amin’ny fototry ny HOY NY TOMPO HOE.

¹¹¹ Inona ny olana amin’ireo mpaminany ao amin’ny fiangonana? Natao ho tonga amin’ny mpaminany ny Tenin’ny

Tompo. Ary raha mpaminany iray izay milaza ho mpaminany iray, nefà handà an'ity Fahamarinana ao amin'ny Baiboly ity, araka ny Teny, dia tsy mpaminany iray izy. Ankehitriny, natao hanana an'ireo fanomezam-pahasooavana ireo isika hametraka antsika ao amin'ny lamina, hihazona antsika ao amin'ny lamina. Fa eo, na manao ahoana na manao ahoana, dia miala lavitra an'izany rehetra izany isika. Ary mitsangana izy ireo, niverina eny amin'ny zorony iray.

¹¹² Indro nitsangana i Samsona, nitsangana teo amin'ny zorony, nieritreritra an'izay rehetra nisy. Ary nitsangana teo ireo Filistina, niaraka tamin'ny sandriny nanodidina an'ireo vehivavy ireo, njery nidina, nandrezatra sy mamo, ary nankalaza an'ilay fandresena ny mpanompon'i Jehovah. Oh, oadray, tsy mandefa zavatra manerana anareo ve izany, ny mieritreritra an'izany, ny fandresena ny planin'i Jehovah! Eny, nitsangana teo niaraka tamin'ny andriamanitra trondro iray. Dagona no andriamanitra trondro. Ary nandoro fanatitra izy ireo. Nalaina ny ain'olombelona, tsy maintsy maty ho an'ny fanatitra ny ankizy kely iray, natroboka tao aminy ny sabatra iray, ny fony, ho an'ny fanatitra. Ary teo izy ireo, nanana an'io fankalazana goavana teo amin'ny fandresena an'i Jehovah io.

¹¹³ Ary ny fiangonana izao hariva izao, tahaka ny andiana Filistina, dia faly eo amin'ny hevitra hoe ny Fiombonamben'ny Fiangonana, afaka kelikely, dia hanakatona ny fiangonana tsirairay izay tsy mikambana amin'izany. Samsona, aza tapahana mihitsy ny volonao! Mijanòna tsara amin'ity Teny ity. Tsy ahoako izay mitranga, mijanòna tsara eo amin'ity Teny ity. Aza mifangaro amin'izany.

¹¹⁴ Nanomboka nieritreritra i Samsona hoe, “Manontany aho raha misy azo atao iray?” Ankehitriny dia hoy izy hoe, “Fantatro fa naniry ny voloko, saingy jamba aho. Mety misy fifohazana iray hafa azo atao. Misy azo atao iray.”

¹¹⁵ Hoy izy tamin'ilay zazalahy kely hoe, “Apetraho eo ambonin'ny andry ny tànako. Ireto ve no andry izay ipetrahan'ilay tranobe manontolo?”

“Eny.”

“Ary milaza ve ianao fa eo an-tampony ireo mpanjaka sy manan-daza rehetra?”

“Eny.”

¹¹⁶ “Reraka aho. Ianao tsy maintsy nanao, nampanao ahy fitapitaka maro sy ny sisa! Hametraka ny tànako eo ambonin'ny andry fotsiny ve ianao?”

¹¹⁷ Dia napetrany teo ambonin'ny andry ny tànany, ka nitsangana teo anelanelan’izy ireo izy, angamba tahaka an’izao. Ary nitsangana teo niaraka tamin'ny tànany niankina tamin’ireo andry izy. Ireo Filistina, nankalaza sy nanana fotoana iray

goavana tahaka an'izany, adinon'izy ireo ny nanara-maso azy. Oh, oadray!

¹¹⁸ Fa nanomboka nieritreritra izy hoe, "Mbola Andriamanitra foana Andriamanitra. Fantatro fa izany Izy. Nizaha toetra Azy aho. Nametraka Azy teo amin'ny fitsapana aho. Fantatro fa mbola mijanona ho Andriamanitra foana Izy. Izaho no diso. Izaho no anankiray izay nanota." Tsy voamarik'izy ireo ireo ranomaso nikoriana avy teo amin'ireo voamaso jamba ireo, niraraka teo amin'ny saokany. Tsy voamarik'izy ireo ny molony nihetsiketsika. "Tompo, nanao ratsy aho. Avelao aho ho faty miaraka amin'ny Filistina."

¹¹⁹ Nila ny Tenin'Andriamanitra voaseho teo anatrehan'i Jezebela izy, mihoatra noho ny nilàny ny fiainany manokana. Oh, raha afaka miverina ao amin'ny fiangonana indray izany faniriana izany! Hia. Tsy nivavaka ho an'ny lamina vaovao iray izy, anaram-pianganana vaovao, fa mba ahafahan'ny Tenin'Andriamanitra ho ampahafantarina indray; ny teny fikasana izay nananany fahiny, no mety hiverina aminy indray. Fantany tsara izay hitranga raha novaliana ny fivavahany, saingy vonona izy ary tamin-kafanam-po mafy. Oh, raha afaka ho lasa tahaka an'izany fotsiny mantsy ny fiangonana! Avy eo dia niantsoantso izy!

¹²⁰ Nivavaka moramora izy hoe, "Azo atao ilay izy, Tompo. Azo atao ilay izy. Mitsangana eto aho, mbola miaraka foana ny rafitro goavana rehetra. Eto aho, naniry ny voloko. Saingy tsy afaka mahita intsony aho hoe ahoana no hikaravasiana azy ireo, satria jamba ny masoko. Tsy afaka mahita an'izay halehako aho. Fa azo atao ilay izy hoe—hoe hamela an'izany hitranga indray Ianao, Tompo, mba haneho ny Herinao."

Niantsoantso mafy izy, "Indray mandeha monja, Tompo, izao indray mandeha izao monja!"

¹²¹ Oh, raha afaka hiantsoantso an'izany fotsiny mantsy ny fiangonana hoe, "Indray mandeha monja, Tompo, avelao izahay hahita ny Herinao!"

¹²² "Indray mandeha monja!" Ary raha niantsoantso sy nangataka tamin'Andriamanitra izy, dia toa hitako ireo hozatra nanomboka nibontsina. Nanomboka niolanolana ny hozatrozatra tsirairay tao amin'ny vatany. Tonga teo aminy ny Fanahy Masina tamin'izay fotoana izay. Naninjitra ny tànany indray izy, niaraka tamin'ny herin'ny Fanahy Masina teo aminy, nirodana ilay tranobe. Hoy ny Baiboly hoe, "Namono betsaka noho ny namonoany tamin'ny sisa rehetra tamin'ny androny izy tamin'io andro io." Nanatanteraka ny fanirahana izay nomen'Andriamanitra azy izy, tamin'io fotoana io. "Indray mandeha monja!"

¹²³ Efa tahaka an'izany foana ilay izy rehefa tonga ny herin'Andriamanitra, mianjera ireo rafitro goavana an'ny

isma. Ny fandresen'i Samsona lehibeindrindra teo amin'ny fahavalony dia tamin'ny androny farany.

¹²⁴ Ankehitriny dia mamele ahy hilaza an'izao, eo am-pamaranana mihitsy. Ry Pentekosta, afaka hitsangana eo amin'ny andrin'ireo rafi-pandaminana goavana ireo ve isika, afaka hitsangana eo amin'ny andrin'i Hollywood ve isika sy ireo zavatra hafa rehetra izay mampisaraka antsika amin'ny fitiavan'Andriamanitra ireo izay ao amin'i Kristy, ary afaka hitsangana eo ve isika ka hibebaka, sy hiantsoantso mafy indray hoe, "Tompo, ataovy pentekosta indray mandeha monja izahay! Indray mandeha monja, Tompo, ataovy pentekosta indray mandeha monja izahay! Asehoy aminay indray mandeha monja ny Herinao, Tompo! Izao indray mandeha izao monja"?

¹²⁵ Henoy, ravao ny fahavalonareo alohan'ny andravàn'ny fahavalonareo anareo. Hataony izany. Ento miverina ireo fivoriana amin'ny fanao fahiny sy ny sisa. Ary, oh, avelao hipetraka tsara i Delila, avelao hipetraka tsara izao vontolo izao, io zavatra izay mampidittra anareo amin'ireo zavatra kely izay tsy tokony idiranareo io. Ary ireo zavatra kely, tonga ao amin'ny fiangonana ny olana, ary tsy hahatanty fanitsiana ianareo satria tsy voatery; afaka mandeha mankany amin'ny fiangonana iray hafa ianareo, sy ireo zavatra tahaka an'izany. Tamin'ireo andro taloha, rehefa tsy nifanaraka tamin'ny Tenin'Andriamanitra ny lehilahy iray, dia entin'izy ireo mivoaka izy, maty.

¹²⁶ "Avereno mankany amin'ny pentekosta izahay!" Tsy fampisehoan'i Hollywood, fa fiverenana amin'ny fo manontolo mankany amin'Andriamanitra no ilaintsika. "Indray mandeha monja, O Tompo, indray mandeha monja!"

¹²⁷ Raha afaka mahita an'izany mitranga aho, raha afaka mahita indray ireo masoko antitra malemy ka mahita fa manadino an'ireo fahasamihafany ny fiangonana! Raha afaka mahita an'io rafitra ara-anaram-piangonana io mirodana aho, ka manipy an'izany eo amin'ny lohalik'ilay Fiombonambe mihitsy, ary manao hoe, "Tsy mila na inona hatao amin'izany izahay! Tsy hanary ny fizokianay izahay!" Raha afaka mahita ny Trinite sy an'ny Tokana, ary izy rehetra ireo, mikambana miaraka aho ka manao hoe, "Rahalahy, ndao isika hiverina eo amin'izay namelantsika Azy. Ndao isika hiverina eo amin'izay nanombohantsika nifamaly, hiverina avy hatrany eo amin'ilay lohahevity ny batisan'ny rano, ka hiverina avy hatrany ary handray ny lâlan'ny Baiboly mikasika an'izany," ary avy eo dia hiantsoantso hoe, "Indray mandeha monja, Tompo, indray mandeha monja!" Ary hanala an'io fampisehoana rehetra io... sy maro amin'ireo olona eo amin'ny lampihazo ireo ary tsy mahafantatra betsaka mikasika an'Andriamanitra noho ny ahafantaran'ny bitro iray mikasika ny kiraron-dranomandry, ary ireo vehivavy miaraka amin'ny akanjo tena tery ireo hany ka mivoaka ety ivelany ny hoditr'izy ireo, mandeha mandroso-

sy-miverina eo amin'ny lampihazo, mitehaka ny tānany ary mitsambikina manerana tahaka an'izany, tahaka ny andiana fampisehoana iray na zavatra hafa iray.

¹²⁸ “Andriamanitra, ento miverina mankany amin’ny Fanahy Masina sy ny hery izahay, ary ny fanehoana ny Teny! Indray mandeha monja, Tompo, indray mandeha monja!” Mino an’izany ve ianareo? [Hoy ny fiangonana hoe, “Amena.”—Mpand.] “Tompo Andriamanitra, indray mandeha monja, indray mandeha monja avelao aho hahita ny Fanatrehan’i Jesosy Kristy mandeha manerana ny fiangonana, avelao aho hahita ny Heriny sy ny Fampantanenany tonga voasaho eo anatrehanay. Indray mandeha monja, Tompo, indray mandeha monja! Andriamanitra, mamindrà fo, ampio izahay!”

¹²⁹ Hitanareo ve izay itondran’ireo zavatra hafa ireo antsika? Izany dia mamono an’ilay tena...izany dia mandroaka ny natioran’i Kristy, hiala ao amin’ny fiangonana, hivoaka ao amin’ny—hivoaka ao amin’ny fiangonana, hiala lavitra amin’ny olona. Tokony ho tena ho voaraikitra miaraka isika ka tsy hisy na inona na inona hampisaraka antsika amin’ity Teny ity sy ny fifankatiavantsika.

¹³⁰ Eto Jesosy Kristy. Izy no Raintsika. Izy no Renintsika. Izy no Mpanastrana ahy. Izy no Mpanjakako. Izy no Andriamanitro. Izy no Fiainako. Izy no fifaliako. Izy no fiadanako. Izay rehetra misy, dia Izy, ho ahy. Izy no rehetra-amin’ny-rehetrako. Eto Izy ankehitriny.

¹³¹ Te-hitondra ny fiangonana hiverina eo amin’izany toerana izany Izy. Manontany aho raha afaka hiantsoantso isika hoe, “Indray mandeha monja, Tompo,” ka hamela an’ireo—ireo ranomason’ny fibebahana hikoriana avy eo amin’ireo voamasonsika jamba? Tsy miresaka loatra amin’ity fiangonana ity aho. Atao horonam-peo ity, hitanareo, eto, handeha manerana an’izao tontolo izao ity. Avelao ny—avelao ny olontsika hiverina eo amin’izany indray, avelao izy hiverina eo amin’ny toerana iray izay ahafahantsika miantsika fi—favoriana iray indray tahaka ny nananantsika taloha.

¹³² Raiso fotsiny aza ireo folo na dimy ambin’ny folo taona, tany aoriania, jereo hoe ahoana no nampihena azy hatramin’io, jereo hoe ahoana no nidinany ambany, ambany, ambany. Izany ilay izy hany ka saiky henatra iray izany, mahatsapa ho saikatra ny olona iray, saiky, ny hiresaka mikasika ny fanasitranana avy amin’Andriamanitra, nisy latsa betsaka nentina teo ambonin’izany; miresaka ny amin’ny Fanahy Masina, nefo misy latsa be loatra efa nentina teo ambonin’Izany. Marina izany. Tsy fahadisoan’Andriamanitra ilay izy. Samsona iray izany izay niala tamin’ireo fitsipiky ny Tenin’Andriamanitra, ary nanolo zavatra hafa, ka namela ny rafi-pandaminana hanaratra azy, hila fitia taminy tao amin’izany.

¹³³ Milaza aminareo aho, ry rahalahiko, anabaviko, raha tsy mahita anareo intsony amin'ity ilan'ny—an'ilay Hazo Fitsaran'Andriamanitra lehibe aho, “Jesosy Kristy no tsy miova omaly, anio, ary mandrakizay.” Ny Teniny, ho ahy, dia Fiainana. Eto Izy ankehitriny. Mino an’izany ve ianareo? [Hoy ny fiangonana hoe, “Amena.”—Mpand.] Fantatro fa eto Izy.

¹³⁴ Ary ny zavatra tokana tokony hataonareo, mba ahafantarana fa eto Izy, dia ny manao ny tenanareo hiala amin’ny lâlana. Hitanareo? Raha mbola eo amin’ny lâlana foana ianareo, amin’izay fotoana izay dia tsy afaka manao na inona na inona ho anareo Andriamanitra. Rehefa mieritreritra ny hevitrareo ianareo, amin’izay fotoana izay dia tsy manana anjara ny fisainan’Andriamanitra. Fa raha mijanona tsy mieritreritra ny hevitrareo ianareo, ka mieritreritra ny Heviny! “Ny Hevitro tsy hevitrareo,” hoy Izy. “Raha misy dera, raha misy hatsaram-panahy, dia hevero ireo zavatra ireo.” Tsy izay holazain’ny fiangonana iray mikasika an’izany, fa izay nolazain’Andriamanitra mikasika an’izany!

¹³⁵ Tahaka an’io ramatoa kely mandry eto io, mangovitra ao anatin’io fandrian’ny marary io. Handry tahaka an’izao io vehivavy io amin’ny fiainany rehetra, raha tsy afaka manao ny—ny finoany hipetraka mahitsy tsara eo amin’i Jesosy Kristy izy. Ary tsy mampaninona izay tonga sy lasa, raha voambara aminy ilay izy, amin’izay fotoana izay dia tsy misy na inona na inona hampijanona ny fanasitranana. Marina izany. Fa rehefa alainareo ny... Miankina amin’izay eritreretinareo izany.

¹³⁶ Raha hino fotsiny ianareo ka banana finoana, dia afaka manao ny zavatra rehetra ho anareo Andriamanitra. Ary ny zavatra lehibe indrindra izay Azony atao ho anareo, izao hariva izao, dia ny mamerina ny fanahinareo mankao amin’ny Fanatrehan’Ny Tenany. Miverina avy hatrany eo amin’izay misy ny olona tsirairay ato...

¹³⁷ Eritrereto fotsiny, ahoana moa raha nanana ny olona rehetra ato ao amin’ny Fifehezany tanteraka ny Fanahy Masina? Eritrereto izay hiseho izao hariva izao, eritrereto izay hiseho eto Shreveport amin’ny ora tahaka an’izao rahampitso hariva! Banana matoan-dahatsoratra hatraiza hatraiza izy ireo hoe, “Andian’olona lasa adala. Nanasitranana ny marary sy nanangana ny maty izy ireo. Manao an’io karazan-javatra rehetra io izy ireo any Shreveport, Louisiana, Etazonia, U.S.A.” Banana an’izany eo amin’ny televiziona izy ireo, ny amin’izay nataon’izy ireo, raha afaka nandray ny fifehezana manontolo ny Fanahy Masina.

¹³⁸ Nahoana Izy no tsy manao? Te-hanao Izy. Vonona ny hanao Izy. Miandry Izy. “Eny,” hoy ianareo, “efa nangataka zavatra betsaka Taminy aho, halako fotsiny ny hangataka be loatra Aminy.” Mangataha be dia be, mba hahatanteraka ny fifalianareo!

¹³⁹ Azonareo eritreretina ve ny trondro kely iray, antsasaky ny inch ny halavany, eo afovoan'i Pacifique, manao hoe, "Tsaratsara kokoa amiko ny misotro an'ity rano ity tsikelikely, mety tsy banana aho, indray andro any"? Azonareo eritreretina ve ny totozy kely saiky tahaka an'izao ny hahagoavany, ao anatin'ireo sompitra lehibe an'i Egypta, hieritreritra hoe, "Voa anankiray isan'andro no avelako ho an'ny tenako, satria mety tsy banana aho alohan'ny ahatorgavan'ny fijinjana manaraka"? Oh, oadray! Ankehitriny dia zarao zato lavitrisa izany, ary mora toy izany no ahafahanareo mandany an'ireo famindrampon'Andriamanitra sy ny fahasoavana ary ny hery ho anareo, raha hino an'izany fotsiny ianareo, afaka mamela ny tenanareo fotsiny ianareo... Eny, miala tsiny aho fa izaho...izany dia, tsy afaka mandany Azy ianareo.

¹⁴⁰ Izy no loharano tsy mety lany an'ny Fiainana Mandrakizay, eto izao hariva izao mba hanao ny teny fikasana Masin'Ny Baiboliny ho voaseho, amin'ny olona rehetra izay hino an'Izany. Amena. Eny, tompoko. Ny zavatra tokana ataonareo dia ny misotro. Mankanesa eo amin'ny loharano ka misotroa. Misotroa mandra-pahatonganareo ho afa-po. Tsy afaka handany Azy ianareo. Tsia, tompoko. Izy no ilay tsy mety lany tanteraka, ka afaka misotro fotsiny ianareo sy misotro ary misotro. Afaka misotro ny fahasitrananareo ianareo. Afaka misotro ny famonjenareo ianareo. Tongava fotsiny ka misotroa. "Aoka izay mangetaheta ho tonga ka hisotro." Amena. Izaho—izaho—izaho—fantatro fa eto Izy, ary fantattro fa hanao an'ilay mihoatra, sy betsaka Izy raha hamela Azy hanao an'izany fotsiny isika.

¹⁴¹ Vao nahita zavatra nitranga aho. Ary izaho—tsy te-hanomboka anankiray amin'ireo karazana favoriana ireo aho, hitanareo, ireo fahitana, satria aho—miresaka mikasika zavatra hafa aho. Hitanareo, miresaka mikasika ny fahatongavanareo aho, tsy ho an'ny fahasitranana ara-batana, fa tonga ho—ho... Vantany vao manomboka manao an'izany izy ireo, ankehitriny izany fotsiny...Hitanareo, vantany vao nandeha nampiala sasatra ny tenako aho arak'izany, mba hiala, ny zavatra voalohany fantatrareo, dia mahatakatra ny olona, fantatrareo, tsapanareo izany tonga.

¹⁴² Indro, afaka miteny aminareo aho. Itsy lehilahy mipetraka any aoriania etsy itsy, miaraka amin'ny zazalahin'ny zandrahalahiny miaraka amin'io valahana marary io. Raha hino izy, dia hanasitrana azy Andriamanitra ary hanao azy ho salama. Mino ve ianao fa hanasitrana azy Izy ka hanao azy ho salama? [Hoy ilay rahalahy hoe, "Amena." —Mpand.] Raha mino ianao, eny amin'izay fotoana izay dia hataon'Andriamanitra izany. Hitanao? Marina tokoa. Amena.

¹⁴³ Indro misy lehilahy iray mipetraka eto, mijery ahy mihitsy. Mivavaka ho an'ny fianakaviany izy. Tsy avy eto marina tokoa izy. Avy any Carolina Atsimo izy. Atoa. Dixon. Fa raha hino

amin'ny fony rehetra fotsiny izy, dia hanaiky an'izany fitahiana izany ho azy Andriamanitra. Mino an'izany ve ianao, tompoko? Vahiny tanteraka aminy aho. Tsy mbola nahita azy mihitsy aho, teo amin'ny fiainako. Amena. Tsy mbola nahita azy mihitsy aho, teo amin'ny fiainako.

¹⁴⁴ Fa hitanareo ve izay tiako lazaina? Inona izany? “Ahoana no iasan’izany, Rahalahy Branham?” Rehefa afaka miala amin’ny lèlana Rahalahy Branham! Eny, tompoko. Rehefa afaka miala amin’ny lèlana aho, amin’izay fotoana izay vao miditra Jesosy Kristy.

¹⁴⁵ Eo amin’izay ihany, miala avy eo aminy mihitsy, misy lehilahy iray hafa tratry ny Afo, ary izy dia avy any Carolina Atsimo, ihany koa. Marina izany. Mahita an’Izany mihantona eo amboniny aho. Marina tokoa izany. Mivavaka ho an’ny rahalahy iray izay alikaolika iray izy. Marina tokoa izany. Henoy. Ianao no Rahalahy Holmes. Mino ve ianao fa Andriamanitra... Izany ve no anaranao? Andriamanitra manao... Hanaiky an’izany ho anao anie Andriamanitra.

Hitanareo ve izay tiako lazaina? “Indray mandeha monja, Tompo, indray mandeha monja!”

¹⁴⁶ Ndao isika hitsangana, ny olona rehetra. Miantsoantsoa, ry Pentekotista, atsangano ny tènanareo hoe, “Indray mandeha monja, Tompo! Indray mandeha monja, Tompo, indray mandeha monja!” Haleloia! Tsy fantatro izay hatao, fa eto Izany. Ndao isika hiantsoantso, iray saina hoe, “Indray mandeha monja, Tompo!” Antsoantsoy mafy izany hoe, “Indray mandeha monja, Tompo! Indray mandeha monja, Tompo! Indray mandeha monja, Tompo, alefaso Ny Herinao, alefaso ireo Fitahianao. Alefaso eo aminay ny Fanahy Masina, tahaka ny rivotra mahery mifofofofo, ka hameno ny fanahy tsirairay izay ato, indray.” Voninahitra ho an’Andriamanitra! Minoa an’izany amin’ny fonareo rehetra. “Indray mandeha monja, Tompo, indray mandeha monja!” Haleloia!

¹⁴⁷ Mamon’ny Fanahy! Raha afaka miraraka fotsiny ao anatinareo ny Fanahy Masina hany ka tena mamo ianareeo ka adinonareo hoe iza no anaranareo, hany ka adinonareo ny fisalasalanareo rehetra; lasa tena mamon’ny Fanahy ianareo hany ka adinonareo ireo fisalasalanareo, amena, amin’izay fotoana izay dia afaka lasa any ho any miaraka amin’Andriamanitra ianareo. Amin’izay fotoana izay ilay antsoantso hoe, “indray mandeha monja,” dia miakatra avy ao amin’ny fahatsoram-po, ary avy eo anankiray hafa. Haleloia! Feno ny Fanahy Masina, ireo mamon’ny Fanahy; ny fahamarinana sy ny fahamasinan’Andriamanitra, ary ny hery, no manao anareo ho tena mamo hany ka adinonareo hoe iza ianareo. Tsinontsinona ianareo, eo am-panombohana. Tsarovy, te-hiditra ao anatinareo Andriamanitra. “Indray mandeha monja, Tompo,

indray mandeha monja! Indray mandeha monja, Tompo, indray mandeha monja!”

¹⁴⁸ Oh, ry Pentekotista, ry Pentekotista, madosira ho an’ny ainareo! Fotoana kely fotsiny sisa tavela. Tara noho izay heverinareo izao. Raha tsy milaza teny iray hafa intsony avy eto amin’ity polipitra ity aho, dia tsarovy, madosira ho an’ny ainareo! Tara noho izay heverinareo izao. Tsapako ny Fanahy Masina eo amiko, manao hoe, “Lazao indray izany.” Madosira ho an’ny ainareo! Tara noho izay heverinareo izao.

¹⁴⁹ Indray mandeha monja, Tompo, indray mandeha monja feno Fainana Mandrakizay ny Life Tabernacle, ny mambra tsirairay ato. Ka aoka ny Voninahitry ny Tompo hilatsaka eo ambonin’ity fiangonana ity, Tompo Jesosy. Haleloia! Haleloia! Mino an’Andriamanitra aho. Indray mandeha monja, Tompo, indray mandeha monja aoka ny olona hanadino hoe iza izy ireo. Aoka ny olona hanadino ny tsi-finoany, mba ahafahanay miantsoantso hoe, “Indray mandeha monja, Tompo, indray mandeha monja!”

Tianareo ve Izy? [Hoy ny fiangonana hoe, “Amena.”—Mpand.]

¹⁵⁰ O Andriamanitra, Ray any An-danitra, omeo fifohazana iray izahay ao anatin’ny fanahinay, Tompo. Hitanay ireo—ireo—manetroka ireo fanilo, miha-maty ilay Afо eo ambonin’ny alitara. O Tompo Andriamanitra, mijere ambany eo amin’ny firenena voaozom-pahotana iray, saingy, Tompo, aza adino ny Olonao. Nitolona nandritry ny taona maro ny olona eto, Tompo, mba hanorina an’ity fananana kely ity ho Anao. Voaorina ny Life Tabernacle, Tompo, ho—ho fiantsonana famonjena fanahy iray, ho an’ny fifohazana iray. O Andriamanitra, indray mandeha monja araraho ao anatin ny Herin’Ny Fanahinao. Hetseho ny mambra tsirairay, esory ny fahasamihafana tsirairay. Mampidina ranonorana iray an’ny Afо Masin’Andriamanitra ka azavao ny fanahinay, Tompo, amin’ny Fanatrehan’i Jesosy Kristy. Enga anie ny olona tsy ho tena hiondrika ao anatin’ny tsi-finoana, mba ahafahan’izy ireo hahita fa eto Ianao miaraka aminay; ary Ianao no Teny, sy Mpamantatra an’ireo eritreritry ny fo, araka ny efa tena nanaporofoina ny Baiboly taminay, hatrany sy hatrany indray. Tompo Andriamanitra, avelao izahay hifoha amin’ny fanamboloanay, ny amin’ny Fanahin’Andriamanitra izay eto afovoanay. Ekeo izany, Ray. Apetrako Aminao izany, miaraka amin’ny tenako. Amena.

¹⁵¹ Rahalahy, ranabavy, tsy fantattro, ao amin’ny Baiboliko, ny zavatra hafa iray izay nampanantenain’Andriamanitra hatao alohan’ny Fampakarana an’ilay Fiangonana. Tsy fantattro. Mieritreritra ny mariky ny bibidia ianareo, tonga; efa niteny taminareo aho, izany dia, efa nandray an’izany izy ireo. Hitanareo? Ny zavatra manaraka tavela dia ho

an'ny Fampakarana an'ilay Fiagonana. Mety ho tonga amin'ny fotoana rehetra izany, ary tsy manakorontana Soratra iray ao amin'ny Baiboly, araka ny fahafantarako azy. Fantatr'Andriamanitra fa marina izany. Eny, tompoko. Antomotra ny fotoana. Tara noho izay eritreretintsika izao.

¹⁵² Ndao isika hanakimpy ny masontsika fotsiny, ka hihira, *Tiako Izzy*. Angamba, raha hanompo sy hidera Azy isika, dia hanao zavatra angamba Izzy. Efa nivavaka aho tamin'ity herinandro rehetra ity, mba hahita firotsahana iray ato amin'ity tabernakla ity. Nivavaka aho talohan'ny nahatongavako teto. Nasaiko nivavaka ho an'izao ny olona. Oh, misy—misy vavaka iray miakatra ho an'izao. Miezaka aho ny hino amin'ny foko rehetra. Ndao isika hifoha, haingana mihitsy. Ndao isika hanompo Azy fotsiny sy hidera Azy, raha mihira an'izany isika ankehitriny miaraka amin'ny masontsika mikimpy ary ny tànantsika mankany amin'Andriamanitra.

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

¹⁵³ Ankehitriny raha mbola mihira ny andininy manaraka isika, dia raiso tànana ny olona eo akaikinareo, ny rahalahinareo Kristiana, manaova hoe, “Andriamanitra hitahy anao,” raha mbola mihira an'izany isika ankehitriny.

Tiako Izzy, izaho...
 Raha mifankatia ianareo, dia tsy afaka ny tsy ho tia an'Andriamanitra.

Satria Izzy mialoha...
 ...?...
 ...famonjeko
 Teo amin'i Kalvary...

¹⁵⁴ Ankehitriny dia ndao isika hanao hoe, “Haleloia!” “Haleloia!” Lazao indray izany hoe, “Haleloia!” Indray, “Haleloia!” Derao ny Andriamanitsika!

Tiako Izzy, tiako Izzy
 Satria...
 Rahalahy Don, vonona ve ianao?



IZAO INDRAY MANDEHA IZAO MONJA, TOMPO MAG63-1201E
(Just Once More, Lord)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 1 Desambra, 1963, tao amin'ny Life Tabernacle ao Shreveport, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org